

四庫全書

子部

欽定四庫全書

子部
萬姓統譜卷十八

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

騰錄監生臣武先振

欽定四庫全書

萬姓統譜卷十八

明 凌迪知 撰

上平聲

十一真

陳 潁川徵音周武王封舜後胡公滿於陳以邑為氏

周 陳完 字敬仲 初懿氏卜妻於敬仲占之曰是謂鳳凰于飛和鳴鏘鏘五世其昌並於正卿

陳良 楚產也悅周公仲尼之道北學於中國北方之學者未能或之先也

陳仲子 齊世卿戴之弟居於陵身織屨妻辟纊不食兄祿不居兄室為廉孟子以為避兄離母無

親戚君臣上下是無人倫也烏得為庶哉

陳倉

秦穆公時掘地得一物似豬羊形倉以獻公道逢二童子曰此媪也在地食人腦欲殺之先用柏木搔首媪曰此童子曰陳寶得雌則王得雄則霸倉舍媪逐童子化為雉入林中言於公公大獵得其雄化為石置汧渭之間作陳寶祠

陳軫

楚大夫秦惠王欲伐齊患楚與從使張儀說楚絕齊獻商於之地六百里秦女事之軫諫曰絕齊則楚孤秦以孤國與六百里哉齊秦合交兩兵至矣王曰子閉口遂絕齊而秦不與地欲攻之軫曰口可開乎攻之不如路之乃攻焉斬首八萬

陳不占

齊崔杼弑莊公不占聞難將赴之比去餐則失匕上車失軾御者曰怯如是去有益乎不

占曰死君義也無勇私也不以私害公遂往聞戰鬪之聲恐駭而死

陳勝

字涉陽城人嘗與人傭耕曰苟富貴無相忘傭者笑曰若為耕傭何富貴也勝曰燕雀安知鴻

鵠之志哉遂舉兵稱扶蘇項燕自立為將軍後為其所害

陳嬰

本東陽令史居縣中素信謹東陽少年殺其令欲立嬰為王嬰母謂曰自我為汝家婦未聞汝先有貴者今暴得大名不祥不如有所屬嬰乃止後相楚懷王

陳餘

大梁人好儒術與張耳為刎頸交秦滅魏購求耳餘兩人變姓名俱之陳為里監門後從陳勝起兵餘自立為代王

漢陳平

字孺子陽武人少家貧好讀書有田三十畝與兄伯居伯常耕田縱平游學後佐高祖定天下

凡六出奇計官至
右丞相封曲逆侯

陳翔

召陵人以孝廉高第拜侍御史遷揚州刺史舉劾臧吏威名大振終御史中丞嘗隸黨籍

陳萬年

字幼公沛郡相人性廉平內行修飭以高第入為右扶風遷太僕丙吉常薦于宣帝後至

御史大夫

陳咸

字子孝萬年子為郎有異材抗直數言事元帝時擢御史中丞累官冀州刺史後為尚書王莽

專政即乞骸骨去嘗戒子孫曰為人議法當依於輕雖有百金之利慎勿與人重

陳寵

字昭公咸曾孫父躬事光武為廷尉寵明習家業肅宗時為尚書是時承永平故事吏尚嚴切

寵上疏請濟之以寬是後人俗和平屢有嘉瑞從歷三郡所在有績官至司空寵雖傳法律而

兼通經書奏議
溫粹號為稱職

陳忠

寵子明習法律用心寬詳三遷廷尉卓有聲稱
安帝初立數上疏薦隱逸及直道之士嘗作摺
紳先生論以諷上寵信之偏
言多切直累官至尚書令

陳琳

廣陵人初為何進主簿後歸曹操操愛其才軍
國書檄多琳所作操先苦頭風是日疾作卧讀
琳所作翕然起曰此愈我病數加厚
賜官至門下督琳建安七子之一也

陳球

字伯其下邳人少涉儒學善律令舉孝廉累官
侍御史桂陽李研聚眾為寇命球為零陵太守
暮月盜息遷南陽太守後為廷尉姪珪少與袁
術遊術有異謀遺書與珪珪曰自當戮力漢室
營私阿附吾不能也珪子元龍
忠亮有大畧時稱為湖海高士

陳容

射陽人。隨臧洪為東都丞。洪被執於袁紹，將死。容曰：「將軍舉大事而先殺忠義，可乎？」紹慙，使人牽出容。顧曰：「仁義豈有恒所蹈之則？」君子背之則小人。今日寧與臧洪同死，不與將軍同生。遂殺見殺。

陳湯

字子公，山陽瑕丘人。仕為郎，使外國，矯制發兵。斬郅支單于。後賜爵關內侯。西域都護段會宗為烏孫所圍，朝用湯議解其圍。

陳俊

南陽西鄂人。少為郡吏，從先武擊銅馬五校。短兵所向必破。斬其渠帥光武，嘆曰：「戰將盡如是，吾何憂哉！」以功封祝阿侯。

陳靖

餘干人。幼慷慨，有大志。王莽篡漢，靖忿恨，聞王莽起，曲阿率義兵赴常署，為中牙典軍校尉，甚

得江湖間心光武時拜散騎
常侍以母老乞歸封餘汗侯

陳遵

字孟公杜陵人哀帝末以功封奮威侯性好客
每會飲取客車轄投井中雖有急不得去善書
與人尺牘皆藏以為榮初為京兆史列侯有與
同姓字者每至入門坐中莫不震動既至而非

因號曰

陳驚座

陳重

字景公宜春人少與鄱陽雷義為友時人語曰
膠漆自謂堅不如雷與陳後舉孝廉為郎有同
署郎負息錢數十萬責主日至重密為代還終
不言惠與義俱拜尚書郎義黜重亦以病免復
舉茂才為細陽令政
有異化遷會稽太守

陳臨

蒼梧太守推誠而理嘗有殺人者為吏所獲臨
知其無嗣令其妻侍獄中後產一男郡人歌曰

蒼梧府君惠及死
能令死人不絕嗣

陳欽

蒼梧廣信人治春秋左氏傳三輔決錄謂左氏春秋遠在蒼梧即欽也武帝時仕至厭難將軍

陳元

欽子傳父業以父任為郎抗疏請立左氏學又請勿令司隸校尉督察三公光武皆從之元以

才高著名辟司空府後數陳便宜不用以病去終於家子堅卿有文章史逸其論撰

陳平子

長沙人為太學生病將亡謂其妻曰吾聞范巨卿烈士也可以託死吾沒但以尸埋巨卿

戶前乃裂素為書以遺式妻從其言時式出行適還省書見瘞愴然感之乃營護平子妻兒送

喪于臨湘
葬畢而還

陳安世

京兆人稟性慈仁家貧為權叔本家傭賃叔本好道有二仙人託為書生從叔本遊叔本

意怠二仙曰幾成而敗矣見安世篤實曰汝好
仙乎曰好二人與約明日早會大樹下三期皆
早至乃以藥二丸與之服不復食但飲水叔
本知其得仙反師事之後安世白日昇天

陳稚升
蒼梧太守政事多暇嘗臨水釣魚民醇訟簡與之相安

陳禪
巴郡安漢人仕郡為功曹舉善黜惡為邦內所畏後為漢中太守夷賊聞其名即時降服順帝時拜遼東太守匈奴憚其威彊退還數百里禪遣吏卒往曉慰之單于隨使至郡禪為說道義單于懷服遺以胡中珍貨而去

陳立
蜀郡臨邛人成帝時為牂牁太守討平寇亂又徙守巴郡及天水治績為天下最天子賜以黃金四十斤後入為左護軍

陳龜

字叔珍順帝時拜使匈奴中郎將時南匈奴左部反亂龜以單于不能制下外順內畔促令自

殺坐徵下獄免後再遷拜京兆尹時三輔强豪之族多侵枉小民龜到屬聲嚴色悉平理其怨

屈者郡

内大悅

陳寔

字仲弓桓帝時為太丘長在鄉里平心率物其有爭訟輒求判正乃嘆曰寧為刑罰所加不為

陳君所短嘗詣荀淑淑使長子元方將車季方執杖孫孝先長丈尚幼坐車中既至荀使叔慈應

門慈明行酒餘六龍下食文若尚幼坐膝前

是夜德星聚太史奏五百里内有賢人聚

陳紀

字元方弟諱字季方與父寔並著高名時號三君元方子長文季方子孝先各論父功德咨於

祖太丘太丘曰元方

難為兄季方難為弟

陳蕃

字仲舉年十五獨處一室庭宇荒蕪父友薛勤侯之謂曰孺子何不灑掃以待賓客蕃曰大丈夫

當掃除天下安事一室乎勤甚奇之後為樂安太守郡人周璆高潔之士蕃字之而不名為

置一榻去則懸之為豫章太守不接賓客惟徐揖來特設一榻去則懸之

陳賀

以舍人從沛公起碭以左司馬入漢拜都尉屬韓信擊項籍為將軍定會稽

陳褒

安帝永寧元年十月癸酉衛尉廬江陳褒為司空

陳鳳

以中郎將與王惲同功封廬鄉侯

陳崇

平帝元始二年太師孔光大司徒馬宮等咸稱莽功德比周公大司農孫寶譏莽大臣皆失色

司直陳崇劾奏寶得終于家

陳農

成帝河平三年以中秘書散亡使謁者陳農求遺書於天下詔光祿大夫劉向校之

三陳宮

字公臺東郡人剛直壯烈從呂布為布畫策每不從其計下邳敗被擒曹操欲生之宮請出就戮以明軍法遂趨出不可止操泣而送之

陳矯

東陽人魏明帝時為尚書令帝嘗至尚書門矯跪曰陛下欲何之帝曰欲案行文書耳矯曰此

臣職分非陛下所宜臨也帝乃命回車其直亮如此

陳登

字元龍忠亮高爽沈深有大量為呂布使許曹操用為廣陵太守操至下邳登諸弟在城中布

質登三弟登意不撓進圍日急布既誅登以功拜伏波將軍

陳武

字子烈廬江人征討有功孫吳拜部司馬所向無前從擊合肥奮命戰死子表少知名士皆樂

附新安都尉廣開降納封都鄉侯
家財盡於養士死之日妻子露立

陳修

有武風年十九權召見獎勵拜別部司馬授兵
五百人時諸將新兵多有逃叛而修撫循得意

不失一人權奇之拜為校尉建安
末追錄功臣後修封為都亭侯

陳羣

寔孫寔常奇之謂宗人曰此兒必興吾宗羣初
仕漢為治書侍御史入魏為御史中丞累官司

空錄尚書事為人弘博不伐

陳泰

高貴鄉公時為尚書右僕射時大將軍司馬師
弑帝太傅司馬孚并泰枕帝尸於股號哭盡哀

時大將軍入于禁中泰見之悲慟大將軍亦相
對泣謂曰玄伯其如我何泰曰獨有新賈充少
可以謝天下耳大將軍久之曰卿更思其
他泰曰豈可使泰復發後言遂闕

竟

陳震

字孝起南陽人劉備辟為從事遷尚書令使吳權稱尊號以震為衛尉約誓掉盟交分闕下封

成陽陽

亭侯

晉陳壽

字承祚巴西安漢人少好學師事同郡譙周張華愛其才舉孝廉除著作郎撰三國志六十五

篇時人稱其善敘事有良史之才又著耆舊傳十餘篇行于世

陳達

字世孫永嘉中為長城令有惠政嘗謂所親曰此地山水秀麗當有王者興二百年後我子

孫必鍾斯運遂家焉後十世孫霸先受梁禪為帝

陳方期

字長年以孝行稱太康中辟為功曹不就親喪號泣幾滅性一日假寐若有人曰無益存

亡願擇出處既

寤遂終身不仕

陳騫

矯子沈厚有智謀為尚書郎累遷太守並著治蹟後封安國亭侯遷侍中都督揚州諸軍事

陳顥

字延思陳國苦人少好學有文義父訢立宅起門顥曰當使容車馬父笑而從之仕至梁州刺

史

陳敏

字令通廬江人少有幹能以郡廩吏補尚書倉部令史仕至揚州刺史

南陳元康

廣宗人頗涉文史機敏有幹北齊神武時授大丞相曹內掌機密善陳事意累遷大行臺

左丞

陳慶之

義興國山人幼從梁武帝甚見親賞為武威將軍後除假節總知軍事與魏兵相持各數

百戰魏人犄角作十三城慶之陷其四壘復鼓譟攻其九城斬獲殆盡二子昕暄俱有名

陳昕

字君章慶之子七歲能騎射十二隨父入洛還都詣鴻臚卿朱异异訪北閭事昕聚土畫城指

揮分別异甚奇之慶之在懸瓠魏曉將堯雄兄子寶樂特為敢勇求軍騎校戰昕躍趣寶樂雄即潰散太清二年侯景圍歷陽昕為重將軍騎未及下渚為景所擒使其儀同范桃棒嚴禁之昕因說桃棒歸降許之遂立盟射城中景邀得之逼昕更射昕不從遂遇害

陳暄

義興國山人學不師受文才俊逸尤嗜酒無操其兄子秀常憂之暄與秀書曰吾既寂寞當世朽病殘年若不日飲醇酒復欲安歸汝以飲酒為非吾以不飲酒為過吾生平所願身沒之後題吾墓云陳故酒徒陳君之神道若斯志意豈避南征之不復賈誼之慟哭者哉太康中徐陵為吏部尚書暄直上陵坐陵不之識命吏持下暄徐步而出舉止自若後主之在東宮引為學

士及即位遷通直散騎常侍後主甚親暱而輕侮之嘗倒懸于梁臨之以刃命使作賦仍限以晷刻暄拔筆即成後傲弄轉甚後主不能容暄發憤而死

陳欣

字永怡宜陽人少驍勇有氣俠姿貌魁岸同類咸敬憚之孝武西遷後欣乃招集勇敢少年密遣使歸附授立義大都督賜爵霸城縣男累遷宜陽郡守後除熊州刺史卒于州欣總兵境上三十餘載數對勅敵而常保功名身死之日將吏荷其恩德莫不感慟

陳永貴

隴右胡人本姓白以勇烈為高祖所親愛數以行軍總管領邊每戰必單騎陷陣位柱國

蘭利二州總管
封北陳郡公

陳遺

吳郡人為郡吏母好食鎗底飯遺在役恒帶一囊再煮食輒錄一焦以貽母後孫恩亂聚得數

升恒帶自隨及敗逃竄多見餓死遺以此得活
母晝夜涕泣目為失明耳無所聞遺還入戶再
拜號咽母豁然即明

後又為河南孝廉

陳昌

字敬業霸先第六子也梁太清末霸先南征李
賁命昌與其母隨沈恪還吳興及霸先東討侯

景昌與陳禧並為景囚景平霸先為司空拜昌
為長城國世子吳興太守時年十六昌雅性聰
辨明習政事霸先遣陳郡謝哲濟陽蔡景歷輔
昌臨郡又遣吳郡杜之偉授昌以經昌讀書一
覽便誦明於義理剖析如流霸先
即位以昌為湘州牧封衡陽郡王

陳表

修之弟字文興武庶子也少知名與諸葛恪顧
譚張休等並侍東宮皆共親友尚書暨豔亦與
表善後豔遇罪時人咸自營護信厚言薄表獨
不然士以此重之徙太子中庶子拜翼正都尉

陳仲舉

字德言武康人仕陳以著作郎出為長興令政號廉平官至尚書僕射陳文帝居鄉時嘗

詣仲舉深相結文帝為吳興太守舉為郡丞及嗣位召為郎中

陳奇

魏河北人少孤奉母至孝博通諸經於易尤邃常非鄭玄馬融解經失旨因作注釋與河間邢

祐同赴召補秘書太尉高允曰奇通識遠致非凡學所及其為名流見知如此

陳顯達

齊永明中為征南大將軍江州刺史顯達廉厚有智計自以人微位重每遷官常有愧懼

之色

隋陳稜

字長威少驍勇大業中擊琉球國斬其小王歡斯老模其日霧雨晦冥將士皆懼稜刑白馬以

祭海神既而開霽稜乘勝破其柵殺渴刺兜獲其子島提虜男女數千而歸

陳茂

質直恭謹隋文帝引為僚佐待遇甚厚嘗從帝與齊師戰於晉州賊甚盛帝將挑戰茂固止不

得因促馬鞭帝怒拔刀砍其額流

血被面辭氣不撓帝感而謝之

陳孝意

為鴈門郡丞隋煬帝幸江都劉武周作亂來攻孝意拒之每致剋捷但孤城無援而孝意

誓以必死亦知帝必不反每旦夕向詔敕庫俯伏流涕悲動左右糧盡為校尉張世倫所殺以

歸武周

唐

陳利貞

幽州范陽人初為平盧將從李光弼征安祿山累遷太子賓客封靜戎郡王李希烈叛利

貞出奇兵橫擣賊鋒朱泚反麾下欲從亂畏其勇乃止德宗嘉之擢汝州防禦使

陳楚

定州人有武幹始為牙將從李茂昭征伐有功封普寧郡王天祐末定州亂楚馳傳赴州軍校

部伍皆楚舊也及見楚至衆心遂定
州境已寧徙入為羽林統軍司徒

陳太竭

浦江人武鼎之子二親併亡即墓手藝松柏終身衰麻哀哭弗徹每奠果肴烏鳥不啄

陳商

德宗時與王冲霄同隱馬仁山江表從學者衆後應詔射策仕至卿

陳夷行

字周道潁川人由進士第累官尚書左僕射介特不羣深為主知以足疾乞罷為河東節

使度

陳京

桐廬人有制行親喪廬墓刺史蕭定上言表其門時人目所居鄉曰至德里曰如曾

陳饒奴

饒州人年十二親併亡窶弱居喪又歲饑或勸其分弟妹可全性命饒奴流涕身丐誓相

全養刺史李復給資儲署其門曰孝友童子

陳岳

玉筭人累官南昌觀察判官著唐書自高祖至穆宗為統紀一百卷子濬仕楊吳為翰林學士

撰吳錄

二十卷

陳元敬

梓州射洪人弱冠豪俠世高貲歲饑嘗散粟萬斛以賑鄉里以明經擢第拜文林郎武后

居攝遂山樓

茹木而終

陳君賓

貞觀初為鄧州刺史州承喪亂後兵多流亡君賓加意勞徠不暮月皆復業時四方霖潦

獨君賓所治有年

儲廉充義詔褒之

陳子昂

字伯玉元敬子文明初舉進士上書言事武后奇其才擢麟臺正言累遷右衛胄叅軍唐

之文章至子昂始變雅

正王適稱為海內儒宗

陳嘏

晉江人開成間進士累官刑部郎中宣帝嘗奇其才曰陳嘏琬琰器也

陳叔達

字子聰武德初判納言嘗賜蒲萄不舉帝問之對曰臣母病渴求不能致願奉之

陳巖

字夢臣建寧縣人慷慨有智畧乾符間黃巢轉掠福建諸州巖聚衆數千號九龍軍保鄉里巢

不能為害時邑為黃連鎮巖表為寧義軍置鼓角賜牌印巖剪除餘寇撫安鄉井境內賴之中
和四年福建觀察使鄭鑑表巖
自代巖為治有威惠吏民懷服

陳執中

字允之侯官人富于文學累試不利時觀察使徐晦特加禮焉辟官幕下後丁家艱躬負

土營墓郡守黎植楊發

咸薦之官終汀州司馬

陳讜

字昌言侯官人登三史科後為本郡長史以便養親累遷春韶二州刺史卒讜仁孝謙恭居官

餘祿悉與交親
共之鄉邦稱美

陳詡

字載物貞元中及第三府交辟德宗覽奏異之
詡以文章名於時官終戶部員外郎知制誥有

詩集十卷子納字

廣裕會昌中及第

陳去疾

字文醫侯官人元和及第得告還家時觀察
使裴義獎振儒風特加禮異又改名其鄉曰

桂枝後為
邕府副使

陳劍

大厯間為刺史闕是開元間置郡治于新闕凡
兩遷至東闕劍始至聞鼓闕聲闕適

吏民進狀曰年穀不登民多疾疫由闕治非
所也請改遷劍曰郡草創堪數遷耶愕然久之
乃更擇地下五里卧龍山之陽曰白石
村疏其利病請之朝而改築焉

陳玄禮

玄宗時宿衛宮禁以淳篤自檢帝嘗欲幸號國夫人第諫曰未宣敕不可輕去就帝乃止

後在華清宮正月望帝將出遊復諫宮外曠野無備豫陛下必出遊願歸城闕帝不能奪

陳元光

以鷹揚將軍隨父攻戍閩父死代為將永隆初擊降潮州盜請創置漳州就命元光鎮撫

久之以討賊戰沒因廟食于漳

五代 陳喬

岳之孫幼敏悟耽翫文史仕南唐累官翰林學士承旨門下侍郎兼樞密使以社稷為已任及

建康不守喬自縊死後主既降太祖責其拒命後主曰臣為陳喬所制時喬已死太祖怒其忠

詔改

葬焉

陳致雍

莆田人仕偽閩為太常卿入南唐以通禮及第憲章典故所著精練後歸宋開寶中除秘

書監致仕徐鉉送以詩有三朝恩澤馮唐老萬里鄉關賀監歸之句既還陳洪進辟掌書記撰海物異名記及閩王列傳五禮儀鑑

陳起

蕪春人南唐舉進士為黃梅令時有妖賊諸祐者積眾數百夜行晝息取資于盜起到官數日

籍祐為里長不服且嫚言曰吾取令頭殺豎子爾起聞執祐斬之由是知名遷監察御史

陳貺

閩人志操古朴不苟仕進居廬山三十年學者多師事焉南唐主以幣致之貺布裘鹿鞞進止

閒雅因獻景陽臺懷古詩南唐主稱善欲授官固辭賜粟帛遣還

陳誨

字巨訓建安人趨捷有勇初事閩有戰功閩亡歸南唐以功累官建州節度使周師伐淮南誨

遣其子德誠率師赴難拜真州刺史

陳陶

劍浦人結廬西山吟詠自適殊有佳語如中原不是無麟鳳自是皇家結網疎之句人所稱道

宋

陳搏

字圖南真源人隱居華山寢處百餘日不起嘗乘白驢欲入汴中塗聞太祖登極大笑墜驢曰

天下自此定矣太宗召以羽服見于延英殿宋琪問修養之道搏曰假令白日昇天何益于世

今君臣同德興化勤行修煉無出于此帝益重之賜號希夷先生

陳恕

字仲言南昌人少為縣吏折節讀書第進士通判澧州以吏幹聞召為三司判官累遷鹽鐵使

太宗深器之官

至尚書左丞

陳省華

閬中人智辯有吏幹初仕孟昶為西水尉蜀平歸宋累官光祿卿拜諫議大夫卒贈太子

少師

陳堯叟

字唐夫省華長子端拱間登進士第一累官同平章事後以右僕射知河陽卒諡文忠堯

叟偉姿貌奏對明辨久典機密軍馬之籍悉能周記所著有請盟錄三集

陳堯佐

字希元省華次子進士及第官至叅知政事平章事以太子太師致仕卒諡文惠為人寬

厚儉約好學不輟善古隸尤工詩自號知餘子所著有文集三十餘卷

陳堯咨

省華季子咸平中進士第一累官翰林學士後以武信軍節度使知天雄軍卒諡康肅為

人性剛戾以氣節自任工隸書善射世號小由基子述古篤學能文官至館閣校勘

陳侃

字君和永嘉人居建牙鄉事親至孝親有疾省膳嘗藥夜不解衣執喪盡禮五世同居家無異

爨至道二年郡守何蒙上其事太宗嘉之詔旌表其門閭曰孝門陳君賜其母李氏束帛杭米

祥符七年侃卒今建牙

鄉猶稱其家曰陳孝門

陳充

字若虛益州成都人少以聲酒自娛雍熙中舉進士甲科為孟州觀察推官改掌書記會寇準

薦其文學召授殿中丞出知明州澹於榮利自號中庸子

陳綱

字舉正泉州同安人淳化中第進士為建州觀察推官故事歲春夏間率丁夫數萬為採茶之

役綱以為奪民時勞民力奏請以北苑園供御之外餘皆賦民收其租入在民者官復定其直償之詔如所請建民德之

陳思道

江陰人喪父事母兄以孝弟聞鬻醢為生母病思道衣不解帶者數月母喪水漿不入口

七日既葬廬墓側日夜悲慟晝則白兔馴狎夜則虎豹環廬而卧咸平初賜束帛旌其門

陳貫

安陽人舉進士真宗識其名擢置高第少調儻喜言兵累官刑部郎中直昭文館知相州嘗著

兵畧世

頗稱之

陳彭年

南城人博聞強記年十三著皇綱論萬餘言真宗時上表獻箴詳練儀制真宗器重之累

官兵部侍郎諡文僖

陳絳

莆田人咸平二年進士甲科再試賢良第一除右正言歷司諫起居舍人凡十年以工部郎中

知福州左遷藤州通判有文集十二卷子動之以文名世與弟說之同登第俱官至秘書丞王

安石歐陽修

皆甚愛重之

陳執中

恕子始以父任為秘書省正字出知梧州上復古要道三篇真宗異而召之又進演要三

篇推右正言累遷至中書門下平章事昭文館大學士執中當國人不敢干以私四方遺問無

及門者卒

諡曰恭

陳兢

德安人十八世同居太宗旌表其門號義門陳氏弟旭拜江州助教

陳漸

堯叟從子少以文學知名太宗時嘗與父堯封同廷試漸中第辭不就願擢其父許之後累官耀州節度推官有文集十五卷自號金龜子

陳坦然

潯江人景德中宣容二州亂坦然以書降賊首詔赴闕賞賚不受願就廷試歷漳浦攸縣

令移知梅州所至有治績累贈太子贊善大夫殿中丞

陳知微

字希顏高郵人沈厚有才幹擢進士歷東京轉運副使奏還東平監所侵民田六百八十

家又決古廣濟河通運路罷夾黃河歲減夫役
數萬計後判司農寺子堯卿進士及第舜卿為

奉禮

郎

陳安石

貫子嘉祐中為夔峽轉運判官歷知蘇邠州
河中府皆有政績累遷至吏部侍郎選人將
改京官須次久臨當引對率困於刑寺審問安
石請罷再問以絕累弊遂為後法後以龍圖直

學士知

河陽

陳芳

河陽人一門十四世同居三百年孝義為
時所重芳仕為大理寺丞詔旌表其門

陳舜俞

嘉興人嘗寓居湖州博學強記慶厯中舉進
士又舉制科第一僉書壽州判官熙寧初以

屯田員外郎知山陰縣青苗法行舜

俞不奉令上疏自劾責監南康軍

陳洙

字思道建陽人登進士第歷殿中侍御史嘉祐中上疏助司馬光乞早建儲嗣且曰陛下以臣

懷異日之圖莫若殺臣之身用臣之言疏方上即飲藥以卒奏下大計遂定仁宗聞洙死賜錢

百萬元祐初用光

之言官其一子

陳闡

字伯通仙遊人皇祐中第進士監建州闕監後知建州歲饑境內有競雜者令疑為盜白于

州闡曰一日之聚至數百人殆以饑爭食耳非盜也推驗之果然遂杖而釋之且出粟賑貸衆

皆復業移知萊州

郡人德而祠之

陳襄

字述古侯官人遊鄉校講明知天盡性之說舉進士累官判尚書都省襄蒞官所至務興學校

講求民間利病在經筵仁宗待之甚厚嘗薦司馬光等三十三人時號古靈先生有文集行世

陳知柔

字體仁溫陵人自號休齋居士在天台奉安與徧遊名山歸至會稽愛巖壑之秀留止二

年罷賀州歸留惠陽三年暇日泛湖登白鶴峯追和東坡詩陶寫羅浮風物殆盡凡四奉祠諸

生受業戶屢常滿

姪樸模皆登第

陳希亮

字公弼青神人幼孤好學其兄使治息錢希亮悉召通家焚其券天聖中舉進士歷知數

府州累官太常少卿以才幹剛直名子四忱度支郎中恪滑州推官恂大理寺丞慥有隱名號

方山子

陳鑄

字師回興化縣人天聖中登甲科康定初知南雄州以親老求通判福州力贊守臣增學田延

宿儒教以經術改倅陳州時有水患悉力拯援全活者衆當路上其勞擢知潮州汝州登州仕

至光祿卿

陳從易

字簡夫晉江人天聖三年知廣州罷任還不蓄南物仁宗聞之擢知制誥御分白書清字

以賜之元豐中從易外孫蘇頌知滄州陞辭語及偏親留京師未能偕行上問母為誰氏對曰故龍圖直學士陳從易之女因及前事神宗曰其清節過于馬援矣

陳繹

奉親至孝嘗作慶老堂以娛其母王介甫贈之詩云種竹嘗疑出冬笋開池故合湧寒泉

陳睦

賢良絳之孫王俊民榜第二人及第元豐間高麗航海修貢上以其恭順欲遣使往諭睦即受

命自春涉冬而還

陳升之

建陽人博學多能舉進士歷知封州漢陽軍熙寧中拜相與王安石異請免條例司後以

使相判揚州封秀國公卒
贈太保中書令諡成肅

陳道周

湘潭人少孤家貧奉母至孝母沒廬墓自陶碑日成五枚歷四年麓墓高三丈墓成而道

周繼亡祔葬母傍
鄉人立碑表之

陳偁

字君舉世卿子以父任補太廟齋郎調通判蔡州召知開封府屬新法行請外改知尉州築堤十里以防皖溪之患再知惠州舊法番商至必使詣東廣客則沒其貨偁請立市舶司于泉哲宗立詔從其議以朝議大夫致仕贈特進子璫

陳次升

字當時仙遊人熙寧中進士累官殿中侍御史疏論章惇蔡卞及曾布蔡京之惡又嘗從

容一言止呂升卿使嶺南世
稱其大有功於元祐諸臣焉

陳烈

字季慈侯官人學行端飭動遵古禮御童僕如對賓客仁宗屢詔不起公卿郡守交章稱其賢

以為本州教授召為直講皆不拜後以宣德郎致仕與陳襄鄭穆周希孟為友閩人號四先生

陳慥

蜀人寓居黃岡號方山子又號龍邱子幼書以溪山自娛時蘇軾謫居黃州與之

關

倡和

為作方

山子傳

陳太初

眉山山人初與東坡同學於道士張易簡後東坡謫黃有眉山道士陸惟忠云有得道者曰

太初問之則同學者也又數年見

東坡於惠州云太初已尸解矣

陳汝錫

字師開莆田人幼穎悟數歲能屬文或以其詩一聯示黃庭堅曰聞愁莫浪遣留為痛飲

資黃擊節稱賞曰我輩人也宋紹聖四年由太學登進士第邑之登第自汝錫始崇寧間諸路

學事始置提舉首除提舉福建學事官至浙東安撫使有鶴溪集刊于郡齋子棣以父任終通

判潭州著蒙隱

集刊于宜春

陳郭

字彥聖建陽人第進士知崑山縣歲饑屬邑希部使者意不敢蠲賦郭曰歲歉而賦不蠲流轉

溝壑何以字民竟蠲之後為司農丞未嘗謁政府遭太府丞請外除閩漕以元祐黨坐廢復朝議大夫卒郭性清鯁歷官五十年猶為寒士

陳如晦

字昭長樂人幼嗜學貫穿經史從勉齋黃榦遊嘗讀西山真德秀夜氣箴作曰願見得

冬為四時之夜夜乃一日之冬便是自家嚮晦入息處又見得造化發育之妙便是自家事物周旋處於此敬義夾持動靜交養則兩得之矣遂次其韻為生意箴後西山得其箴亟稱賞焉

一時耆德鉅公樂與晦為道義交

陳薦

字彥升沙河人舉進士為華陽尉從韓魏公在定州幕府魏公每稱其廉于進勇于退嫌疑間毫髮不處累官龍圖閣直學士河北都轉運使進資政殿大學士

陳起宗

字興祖少上庠連冠多士一日歸省囑同舍生投試卷起宗治書禮記同舍族之輒易以周禮試復第一年三十七以徽猷閣學士知并州卒起宗工詩瀟灑有陶謝風

陳開

字發明以太學生登熙寧進士第調密州教授時太守蘇軾深器重之諸生力留更七年而後代密州儒風之盛自開始後入為太學博士召對進兩劄其一排新法其一去小人進君子言議激切當國者忌之出為雄州通判尋陞宗正寺丞至朝奉大夫累贈金紫光祿大夫蔡襄狀

其行子畢元
符三年登第

陳易

字體常少好學該綜經史工五七言詩熙寧初
遊京師會太學秋試諸生競求舉易以為非吾
所以學即棄去乃從佛氏之徒論出世間法而
有所契就邑蔡溪之左結廬而處遠葷絕慾日
惟一飯或遇風雨溪漲則併一盂鉢或卻或經
旬決不食如是者五十年不變嘗曰性命之理
儒與釋一也顧為教不同耳崇寧初舉遺逸又
舉八行郡守郭重致禮聘易易謝牋曰早粗修
於八行晚但了於一心心既本無行亦何有重
不敢強易嘗傳易學於仙遊張弼自謂有得於
五行醫卜地理之術善筆札作字必精謹平生
無忤視妄言教人必本於孝弟其接朋友或終
日不交一談或為語莊老釋氏大意其論古今
疊疊不倦蓋隨其興意所至人莫得而測也宣

和八年卒

陳彥文

睦之子居蘇州以職事登稱旨崇寧中賜進士出身戶部侍郎顯謨閣直學士知慶洪楚

江四州在江州視事甫十日盜張遇犯城彥文擊走之建炎初除江淮制置使召入都堂議事

陳經

字正甫安福人慶元中進士官終奉議郎泉州泊幹經嗜書成癖啓益後學為多有書解五十

卷及詩講義存齋語錄行世

陳嗣光

字朝闕寧德人處已廉事親孝宗族鄉黨稱焉時朝廷舉孝廉縣以嗣光應詔邑簿陸游

為立孝廉坊以旌之

陳敏

無錫人舉進士知台州朝命立元祐黨籍碑敏不肯立監司促之急敏曰誣司馬公為姦臣是

無天也倅立之敏碎其石或欲勅敏曰我死且不辭何効之畏遂掛冠去後以八行薦不起

陳師道

字無已彭城人少刻苦問學高介有節安貧樂道諸經皆有訓傳於詩禮尤邃其為文師

曾鞏為詩宗黃庭堅平淡雅興自成一家元祐年蘇軾輩薦其文行除本州教授累遷秘書省

正字

陳驥

字德純仙遊人元符中由中舍選第進士與直講張讀叅政李邴友善歷宗學博士性鯁特蔡

京用事恥為之屈不肯一見歷温州通州年六十二即掛冠自號安處居士

陳中復

字從道熙寧中第進士崇寧中提舉京畿京西路茶鹽香事時朝廷議行茶法以中復嘗

監茶務令悉陳利害因以進用之謝曰吾豈以身計為權利作俑者政和中為廣東提刑凡八

歷外臺所獎拔成就者多知名於世挽詩
有云南北建牙多故吏東西開府半門生

陳覺民

字達野仙游人熙寧初登第元祐初知漳州
建州福州所至有治行改知泉州時有司建

言欲權六郡酷覺民陳五不可遷本路提刑
風采嚴峻未嘗與僚屬妄交一談人甚憚之

陳高

字可中闡之從子仙游人少游湖學元符中第
進士召試除太學祭酒龔原司業傅楫薦其潛

心經術尤深於易遷博士政和中始建醫學除
太醫學司業累上封事以切直忤蔡京慨然力
請致仕

陳彥恭

字子愿莆田人開之子元祐中第進士通判
鞏州以清謹聞監轄河南坑冶鑄錢蔡京黨

王桓欲增監鼓鑄彥恭曰山澤之利不可竭祖
宗之額不可踰坐罷後知壽春府二帝北行彥

恭悉禁旅而西或曰世亂如此空一府無兵可乎曰陛下安在而守臣欲留兵自衛耶在郡活人以千萬計民畫像祠之

陳軒

字元興建陽人進士第二授平江推官元祐中以龍圖閣待制知廬州徽宗立擢兵部侍郎兼

侍讀每勸帝以治貴靜願法文景之恭儉加龍圖直學士知杭州

陳淬

字君銳莆田人紹聖初下第挾策西遊以戰功為鄜延都監建炎初為諸軍統制金人犯采石淬獨戰勢窮大罵力交於宵而色不動與其從子仲敏俱死詔贈明州觀察使

陳顏

汲縣人父光調壽陽尉未赴值金兵取汴光病圍城中顏間關渡河往省其父因扶疾北歸光家奴誣告光殺人繫獄不勝拷掠因自誣服顏詣郡請代死帥臣曰此真孝子也遂併釋之

陳自仁

興化人宣和中第進士為永豐尉建炎中金人犯洪吉二州隆祐太后護兵叛自仁集尉

卒調民兵分道進攻却之會賊別將至力窮不支死之贈通直郎官其一子

陳與義

字去非洛陽人天資卓犖政和間上舍甲科累官太學博士徽宗見所賦墨梅詩有見晚

之歎紹興中拜翰林學士叅知政事其出處氣節文章翰墨卓然可稱所著有簡齋集行于世

陳東

丹陽人稠儻負氣徽宗時為太學生率同舍生詣闕上書請誅邪佞命以官不就高宗南渡復上書極論黃潛善汪伯彥黃汪等誣以指斥乘與殺之天下以為冤高宗後知其非事悔之詔

追贈秘閣修撰

陳朝老

字廷臣政和人元符末為太學生論事剴切臺諫受蔡京風旨例以狂妄目之大觀三年

以何執中為左僕射朝老上書有曰陛下即位以來凡五命相有若韓忠彥之庸懦曾布之賊汚趙挺之之蠢愚蔡京之跋扈今復相執中何為者耶是猶以蚩負山也宣和末復與陳東等上書論蔡京童貫王黼李彥梁師成朱勔為六賊且曰願陛下速取六賊肆諸市朝傳首四方以謝天下書奏編置道州建炎改元遇宥歸耕石門紹興間三詔徵之堅辭不赴學者稱曰陳三詔

陳禾

字季實鄞縣人元符中進士累官殿中侍御史遷左正言立朝有風操嘗奏對論童貫反覆不

已徽宗欲起禾引帝衣願畢其說衣裾落帝曰正言碎朕衣矣禾言陛下不惜碎衣臣豈惜碎首以報陛下帝變色曰卿能如此朕復何憂卒諡文介

陳公輔

字國佐臨海人政和三年上舍及第調平江教授累官至禮部侍郎端方之操始終不渝

為諫官論事剴切疾惡如仇晚居田里著書自樂有文集二十卷奏議十二卷子夷行登進士

治行

高潔

陳鶴

字聞野仙游人宣和六年進士惠州僉判惠俗僻陋士風不振鶴與州守吳達老大興學校親

典教事執經者歲數百人鶴乃捐俸置學田以增廩入表置學官自後文士彬彬惠之倡學實

自鶴

始

陳膏

莆田人政和中進士為汾州教授後知惠州軍馬造曾袞壘壁曉降之鄭僧王法恩謀逆事覺

或請屠城膏力論

之官至太府少卿

陳之翰

字憲之明州人少有志操好學能文鄉人有貸金攜以償之者適在舟給曰金墜于水中

之翰不疑後數年其人自悔病且死遣其子來償之翰受之不拒徐以其償助其喪葬崇寧初

衆論薦於
朝官之

陳篆

字思文宣和間登進士歷任州縣所至有聲子準以蔭補官年五十餘即掛冠歸有別墅在石

屋間朱熹為扁石屋書室二子柎為江夏令柎力學不倦柎子畦為靖州判官

陳卓

咸寧人有田五千兄之田止一千願合戶而同之且曰人生飽暖之外骨肉交歡而已其後兄

子康民登進士
官至大中大夫

陳叔易

初與晁以道俱隱嵩山叔易赴召晁以詩送之云處士何人為作牙盡攜猿鶴到京華故

山巖堅應惆悵六六峯前只一家
以道宣和間領郡人復以此嘲之

陳至道

字元和號野雲崇高節至孝養親不仕親歿終身初度閉門杜客必躬酌松楸戀戀盡日

不能返

陳可大

字齊賢仙遊人父汝器喜積善一夕飛錢滿其室祝曰願一子光顯門閭乞錢減半可大

政和中登科調漳州工曹兼右推後知肇慶府民不能欺去郡之日惟衣衾書籍而已官終朝

請大夫

陳師錫

字伯修建陽人擢進士第三蘇軾薦其德行文章以為校書郎徽宗立拜殿中侍御史疏

陳時務出知潁廬滑三州師錫時與陳瓘同論蔡京蔡卞時號二陳

陳戩

松溪人為給事中上疏論當時有五失宰執務姑息將帥邀功賞臺諫言細務守臣多犯法內

侍權漸失宜

有以禁止之

陳瓘

字瑩中沙縣人登進士徽宗時為右正言以論蔡京蔡卞連謫通台楚州其論京卞皆發露其

情慝最所忌恨故得禍最酷後贈諫議大夫諡忠肅自號了翁所著有尊堯集

陳求道

康民子舉進士靖康間判都水監及二帝出郊求道力爭不聽建炎中為襄鄧隨郢鎮撫

會招撫劉忠叛欲奉求道為主求道正色厲辭賊怒殺其妻子脅之求道罵愈厲遇害

陳祐

仙井人舉進士官至右司諫嘗言姦人詆毀善類之故及論章惇蔡京蔡卞郝隨鄧洵武忤旨

通判
滁州

陳純夫

字德全邁之子初以廕補官仕東閩有異政守郢繼父之後郢人稱之不啻召杜純夫篤

於恩義歷仕四十二年確守名節宣和間自南康乞祠居鄉十年以文自樂官至大中大夫世

號湖南

夫子

陳大卞

字仲循仙遊人治平中進士為威武軍僉判與章惇舊惇當國屢招不往以有事明堂封

二親拜且泣曰吾不能與時俯仰龜勉仕宦者為吾親耳遂致仕

陳祥道

清縣人元祐中為太常博士終秘書省正字著禮書一百五十卷弟陽應紹聖制科累官

至禮部侍郎著

樂書二十卷

陳希伋

字思仲揭陽人未第時薦太學生馬錫有文武才乞擢用錫後立功人以希伋為知人嘗

上書陳利害數萬言皆切時病元祐中以經明行修舉第一擢知梅州

陳皓

字彥章儻有大志負武略弱冠為邑尉都部靖康初金兵犯順慨然集義兵勤王建炎末寇

陷寧都石城皓不肯降潛從長汀募兵數千人與子敏死戰賊退捷聞皓補承信郎子敏武義

大夫

陳最

字季常福安人宣和間登進士第授新昌縣丞會抗卒叛最單騎見賊以理諭之賊曰此公忠

義虐之不祥遂送最以歸召對稱旨上諭宰執曰陳最人物可愛議論可取授諸司糧料院佐鄭中使川陝與敵分畫地界敵使乃賀景仁之子屢與最爭最責之曰子受本朝大恩何乃若是賀氣沮卒從所議還朝以聞上喜時秦檜方主和議最力沮之檜不悅出知興國軍

陳暘

字晉之祥道之弟也中紹聖制科授順昌軍節度推官徽宗初進逐衡集以勸導紹述得太學

博士秘書省正字禮部侍郎趙挺之言暘所著樂書二十卷貫穿明備乞拔其兄進禮書故事給札既上遷太常丞進駕部員外郎為講議司叅詳禮樂官累官禮部侍郎嘗坐事奪已而復之卒

陳德豫

字子順連江人少好學博通六藝諸子百家之旨淳熙中登進士甲科調建州戶曹試教

官首選分教宣城郡學舊有二程遺文時禁程氏學令焚毀之德豫護藏唯謹政京教累遷諸軍糧料院歲旱求言德豫上封事以諱天變諱人言為致旱之由乞去二諱以回天變上嘉納之又累遷著作郎會胡僧入覲錫子甚豐乃歷陳梁武之失異端邪說不足信即日有旨出胡

僧於國門之外官至大理卿有文藁三十卷

陳伯震

字震之陳襄八世孫由侯官徙居長樂紹熙進士泰州知州累官廣東經畧使龍圖閣學

士嘉定中奉命使金能以數言折服強敵不辱君命

陳顯仁

字藏用大卞季子始自仙遊遷居莆田之浮山紹聖元年登第調古田縣尉大臣有知顯

仁者以其文行可領袖諸儒遂除教授嘉禾士多成就兩除睦親北宅宗學博士累遷朝請大夫攝宗正少卿初大卞著萬言書未及上而終至是顯仁上其書不報屢乞外補宣和九年以

直秘閣知漳州官至朝議大夫

陳昭度

字元矩莆田人少穎異不羣年十九擢紹興五年進士第為尤溪主簿部使者移檄令据

撫屬吏細故昭度憮然不悅曰吾其忍為是耶
乃拂衣而去閒居以讀書著文為樂十餘年不
調自號西軒子鄉大夫林迪與為忘年交艾軒
林光朝正字劉夙方翥著作劉朔皆嘗至其家
登堂拜母誼均兄弟既而教授藤州藤去中州
絕遠俗尚庠陋昭度至勵以致知謹獨之學繇
是士競于學
知所指歸

陳之茂

字卓卿無錫人為太學生與張九成同廷對
茂所對忤權相黜之九成第一叩頭殿階曰

陳之茂能言人之所不敢言宜獎不宜黜高宗
覽對悚然曰忠言也賜同進士出身調休寧尉
以經學為諸儒倡
仕至吏部尚書

陳太素

字仲華河南緱氏人舉進士累官大理少卿
能推原人情以傳法意每臨牘至忘寢食歷

知究明二州有治績官至兵部郎中

陳良祐

字天與金華人紹興中進士仕為左司諫時高宗銳意圖治良祐有願為良臣不為忠臣

之語累官至史部尚書力止泛使懼開釁端遂至忤旨淳熙間復起除敷文閣待制知建寧府

陳過庭

字賓玉山陰人舉進士累官御史中丞兼侍讀欽宗時進尚書右丞議遣大臣割兩河地

與金耿聶俱辭過庭願效死及汴京陷金人拘之軍中遂卒燕山建炎中諡忠

陳良翰

字邦彥公輔族子蚤孤事母孝天資莊重為文恢博有氣紹興五年進士知瑞安縣有惠

政累官左司諫疏論湯思退奸邪張浚精忠出知建寧府後以敷文閣直學士奉祠良翰在朝論諫純正多見嘉納卒諡獻肅

陳鵬飛

字少南永嘉人紹興進士其學不為章句新說必本大倫正論而趨於深厚兩舉于鄉俱

第一登紹興進士為崇政殿說書以講春秋忤秦檜謫惠州

陳楠

平陽人政和中進士權禮部侍郎寬洪溫藉以誠接物而恬於榮利自號無相居士有文集子

汝楫汝賢汝諧孫峴俱以辭學擢第

陳豐

字宜中仙遊人驥之子紹興中第進士初為泉州教授以陳康伯薦召為太學博士孝宗初立

召監司各舉循吏二人豐居首除知南恩州清儉無擾歲旱祈雨有願俾微臣特損數年之壽

乞令合境普沾三日之霖等語雨果大至

陳索

字德應餘姚人權刑部侍郎時秦檜主和議索言不可檜憾之後知廣州民夷悅服改婺州索

博學剛介不事產業既謝事歸僑寓僧寺王十朋論近世會稽人物謂杜祁公之後有陳德應云

陳士楚

字英仲莆田人早從林光朝遊乾道中登第淳熙末召為國子監簿光宗立除司封郎兼

嘉王府直講寧宗朝立起居舍人明年除侍講嘗講周書無逸篇喻小人在朝君子在野之意

上嘉納之

陳吉老

字子州仙遊人紹興初為維陽帥高宗賜鞶馬金帶以寵其行時秦檜主和議吉老力黜

之既卒贈奉直大夫

陳希造

字賢復仙遊人吉老之子紹興中吉老倖汀州希造以揚州錄叅往侍下屬胡保等寇武

平吉老捕之過於义竿口希造先登深入
矢盡路窮援兵不至死之汀人建祠祀焉

陳居仁

字安行膏子紹興中進士秦檜與膏有故或
勸一見可得美官居仁不聽累官國子監丞

入對論文武並用長久之術後以寶文待制知
福州居仁風度凝遠臨事毅然有守有奏議制
藁

陳俊卿

字應求莆田人紹興中進士累官侍御史劾
黜秦檜黨疏言張浚忠蓋歷同知樞密院事

授右僕射以用人為已任獎廉退抑奔
競後以少師魏國公致仕卒諡正獻

陳宓

俊卿子以父任監進奏院慷慨盡言遷軍器監
簿又言三事謂人主之德貴乎明大臣之心貴

乎公臺諫之言貴乎直後直秘閣卒所著有
春秋三傳抄續通鑑綱目唐史贅疣等稿

陳炳

顓縣人結廬崆峒山躬耕求志與學者琢磨俱成雅器有文十卷白雲編二十卷包拯嘗師

事之

曰文高表世學

優入聖

深中篤學

陳康伯

字長卿

人宣和中進士歷官侍郎尚書左僕射大學士進封福國公時金

人舉兵臨

江朝論洵懼康伯屹然不動指授方民恃以安有古社稷臣之風及再

封

外鼓都人惟呼加

諡文正

陳

字分默

於書無所不讀且妻以子高

為已

其行

陳

關

山時詔

遺弟光祿卿適至中山臨城諭旨遺遙語曰
吾兄弟當以名義自處適泣曰兄當盡力勿以
弟為念遺呼總管使擊賊總管辭斬以徇復呼
部將沙振往振懼潛刃殺遺以城降金人見其
屍曰南朝忠臣也殮而
葬之適被執死於雲中

陳燾

電白人替目十年紹興間母死將葬燾欲親至
塋人或止之燾曰母生我鞠我今日視入土燾
忍以疾辭索塗一二里
雙目頓開人皆異之

陳敏

精騎射擢閤門祇候時閩地多寇敏為統制分
兵要害賴州齊述據城叛敏聞之領所部馳七
日徑抵賴圓城踰月破之累功封武功縣男高
宗見其狀貌魁岸除破敵軍統制嘗駐兵高郵
屢敗金人歷
光州觀察使

陳敏修

號市隱居士紹興中進士第三人王音云卿便是陳敏修年幾何對曰七十三問幾子對

曰未娶乃出內人施氏嫁之年三十資奩甚厚時人語曰新人若問郎年紀五十年前二十三

陳嶠

字景山年近六十方及第有儒家以女妻之合卺夕作詩云彭祖尚聞年八百陳郎猶是小孫

兒聞居詩云小橋風月年年事爭奈潘郎老去何

陳奎

安仁人咸淳初與父詩川同舉進士為胸山主簿德祐時棄官家居謝枋得起兵首拔入募執

安仁令李景數其罪殺之益王立領江東安撫使出上饒應接郡縣戰潰被執至豫章遁去後

三年復起兵尋敗入積煙山自剄死所著有鶴心集

陳舜申

字宋謨連江人七歲能屬文淳熙中舉進士歷衡陽姊歸教授累遷知漳浦縣有惠政入

為著作郎兼右侍郎官輪對以正心任人為先
直而不計上皆嘉納由是有忌之者遂主管武
夷沖祐觀起叅議淮閬未赴卒舜申以學問淑
後進以行義率鄉里以節操立朝廷以義方教
子孫所著有易鑑語孟中庸大學集解渾
灝發旨審是集兵書訂解及高齋文集

陳光祖

字世德希造之子嘗督修內府及造御創萬
盈倉例賞三官皆不陳乞官終梅陽守光祖

以父歿王事補官好儒重禮德行政事皆不凡
知英德府日上供泛輸幾倍光祖奏蠲第四戶
以寬民力湏陽渡湍惡舟多覆溺更創巨艦以
濟廖德明行部嘆曰陳公可謂依本分君子也
尋改知邕州特除廣東提刑光祖作飲恤編以
戒僚屬新濂溪祠以崇教道又捐故錢三千緡
以代給邕兵之廩而凡一切無
名之征悉蠲除之積官朝奉郎

陳大年

字彥永貢辟雍同舍生陳仲防患疫人皆避之大年曰疾病相棄豈朋友誼耶為召醫診

視已而仲防瘞謝曰彥永所謂生死交情者也

陳亮

永康人自幼穎異為文俊麗雄偉有奇志恒以經濟天下自任孝宗時六詣闕上書主於恢復

兼論宰相得失紹熙四年狀元及第授建康僉判尋卒諡文毅

陳亨運

字俊民仙遊人父母繼沒廬墓三年常倚墓木而哭木為之枯乾道間詔舉孝廉縣令以

亨運應詔亨運堅辭不起令乃餽粟帛以旌其孝

陳駿

字敏仲寧德人舉進士登朱文公之門著論語孟子筆義又著毛詩筆義號仁齋子成父字汝

玉克承家學辛棄疾持憲節來閩聞其才名羅致賓席而妻以女其學以立誠為本近思錄一

本口誦心悟不少輟故行已皆有法度安貧守道澹如也嘗升上庠兩預解選有律歷志解和

稼軒詞默齋

集藏于家

陳傳良

字君舉瑞安人乾道中進士為中書舍人時光宗以疾不朝重華宮傳良抗疏忠懇至引

帝裾言與淚俱後官至寶謨閣待制卒諡文節傳良與張栻呂祖謙為友文擅當時學者稱止

齋先

生

陳埴

永嘉人從學朱文公所著有禹貢辨木鐘集學者稱潛室先生埴與兄增弟止善俱登進士第

時人號所居

為森桂芳

陳宋輔

字公弼寧德人覺民子淳熙中舉進士累官柳州教授平生尚節槩重然諾士民敬憚之

論三蔡貶餘
姚縣主簿

陳謹

字正仲豐之子隆興初第進士慶元中為殿中侍御史久之坐論事忤陳自強意從太常少卿

補外召為兵部侍郎開禧中貽書權臣極陳用兵利害不見聽除敷文閣待制奉祠謹問學該貫文章不為險語而雅有典則工書法大字尤精自少至老士林推重

陳孔碩

侯官人師事朱熹為高弟累官尚書郎卒祠于學

陳韡

字子華孔碩子與弟韡同登開禧進士韡有將帥才歷官工部郎中累拜端明殿直學士諡忠肅

陳天麟

宣城人天資豪爽慷慨重義紹興中進士累官至集賢殿修撰嘗編易三傳及西漢南北

史左氏綴
節等書

陳卓

字立道居仁之子紹熙初第進士丞相吳潛以故欲見卓謝不往潛器之在闕掖草閣臣李

全爵及太廟災罪已詔詞極警關端平初僉書樞密院事以資政殿學士關平生不營產

業莫事不能具潛貽書制置使以助諡清敏

陳文蔚

上饒人朱熹門人講讀鉛山著書立言得其師旨趣高風雅操為鄉邦所共仰卒祠于學

陳淳

龍溪人朱熹守漳時淳從游郡齋熹曰南來吾道得一安卿安卿淳字也淳無書不讀無物不

格義理貫通洞見條緒學者稱為北溪先生

陳大隱

字君舉蘭谿人端重好學父兄早喪事母以篤孝稱母將薨時六月六日畏日如焚先期

焚鄉禱乞雲霧覆棺人甚哂之
已而果應旣定雲散人皆異之

陳德林

知真州蘇軾有詩云君為守令有古風名聲
直入明光宮老人愛君如劉寵小兒敬君如

恭魯

陳範

字朝弼崇安人從朱文公學嘉定中第進士調
徽州婺源尉會有大獄辟疑讞範察其不當死
令佐受眵給正其罪吏請書獄範嘆曰人命如
是之輕乎吾以書生獲一官當以此力爭竟不
書後發覺令佐坐削人服
其明調撫州崇仁縣丞

陳瑋

字日華慶元初知汀州事為治精明以郡帑錢
二百貲助學又以隸官田百畝充諸生廩餼減
戶口食鹽價以紓細民作義塚以掩民
骼汀俗尚鬼信巫瑋嚴禁之俗遂丕變

陳塤

字和仲鄞縣人嘉定中進士敏於為文頃刻數千言為人明白洞達一言之出終身可復仕終

國子司業子蒙年十八上萬言書論國事仕為淮東總領官

陳騄

字叔通臨海人紹興中試春官第一累官將作少監歷知贛秀太平袁州光宗時為吏部侍郎

兼侍講應詔疏三十條皆切時病寧宗時知樞密院事兼參知政事卒贈少傅諡文簡

陳均

字平甫俊卿從孫安貧力學以累舉當奉大對不就參稽宋史及司馬氏稽古錄徐氏國紀李

氏續通鑑長編諸書用朱子綱目義例提要備言輯成宋鑑舉要備要二書起太祖建隆庚申

迄寧宗嘉定甲申凡八十八卷端平初時宰言於朝下福州取其書賜迪功郎不受

陳嘉言

景陵人為復州學諭以文行為鄉里所推開禧初金人犯景陵被執脅使降嘉言厲聲不

絕自沈於水同
室六人俱死

陳天福

茶陵人歲凶發廩平糶貧不能糶者天福輒周之有道士丐米福與之一斗道士酬以百

錢福弗受道士出題其壁有桂子蘭孫聯步武之句後子桂孫蘭孫果登第慕義樂施有父風遭宋季易姓弗復為祿仕營東山書院為終身計博學好古著述尤富輯文選補遺四十卷行世

陳貴誼

福清人慶元中進士累官叅知政事兼同知樞密院事理宗嘗獎其有憂國之言卒贈少

保

陳力修

字介翁平陽人上舍優等第一人登定第教授常德府除禮兵部架閣被旨親運江東以

給豐淹廬壽五閱月致米三十三萬斛邊儲用裕擢通判泰州大書於門曰報國常逢無事日監州不是徇情官知無為軍尋為浙西提刑海寇蘇阿六積暴前使者置不問乃設計授吏擒之詰其罪嘗手殺平民四十餘立誅之而貸其黨浙右震肅除祭酒兼中書舍人面對曰揆路蔽賢之弊理宗大悟盜起荻浦朝廷欲鎮以舊人即畀憲節往行訓諭盜聞風潰去久之復請祠歸卒力修識見高邁遇事敢為故所至聲譽藹然

陳容

字公儲長樂人端平初進士官至朝散大夫知興化軍為人耿挺不阿賈似道常欲招致幕下

容輒早侮之

知興化軍

陳壽孫

瑞安人宋寶祐間登第授台州教授會新郡守初視篆乃丞相丁大全之黨至謁廟日壽

孫乃揚言曰昔冉求為季氏聚斂聖人尚欲鳴鼓而攻之太守乃丁大全黨聚斂之徒烏可升吾夫子之堂哉守聞之遂解印去後直龍圖閣歷福建提刑貪吏聞風畏懼引去後入覲與賈似道爭鹽法事被劾歸里元兵至率市人操兵聚瑞安白巖橋禦之取民居扉戶床桌累以為柵兵至民散潰遂被執元將欲降之瞋目視曰我大宋憲臣乃從爾胡耶又厲聲曰何不速殺我遂囚於獄邑吏或戲之曰提刑亦下獄耶壽孫叱之曰吾志尚能斬賊配吏顧力屈耳將壯之命縊死於獄云

陳元大

字孔碩號北山世稱北山先生元大遠接洙泗之傳尚友於濂洛閩建諸君子任溫州儒

學教授著四書講議行于世宋末來游吳之常熟愛其風俗山水之美遂居焉子後山亦以道

學鳴仲子昇慷慨大節當時景仰
山斗孫伯琬伯珪皆為邑之名士

陳塏

字子爽崇德人累官太府卿歷吏戶兵三部尚書諡清毅所著有續鑑隨筆子鑄寶慶中進士

歷官至
都承旨

陳煥

字少微博羅人安貧守道敝衣疏食處之晏如
以禮遜待閭里之橫逆者鄉人稱之曰陳先生
祭酒芮晔嘗造其廬見四壁蕭然贈以詩云原
思非病貧何患回也雖貧樂有加歲晚與誰同
此味梅花深處是君家煥詩清勁傳於世
者幾百篇以特科調高安縣簿秩辭不仕

陳容

三山人人呼為陳所翁寶祐元年由太學生知
平陽縣簡易從容邑人化之時與名士論文講
藝數繹大義士習以興至於崇社稷闢道路通
溝洫議賑糴民事備舉暇則游戲翰墨以畫龍

名

陳煒

字光仲淳祐中為監察御史首論不才執政有令換疏者煒答以頭可斷疏不可換除太府少

卿不拜而行召奏事力

辭除廣東轉運判官

陳宗禮

字立之南豐人少貧力學淳祐中舉進士累官至端明殿學士僉書樞密院事兼叅知政

事以直言清節著名卒
贈盱江郡公諡文定

陳堯舉

南豐人淳祐中進士官至通判臨江軍嘗承江西運司檄考試廬陵士子拔擢文天祥咸

謂其知人居官甘澹泊無一毫妄取學者尊為鳳岡先生

陳維德

字微之靜之孫初注長樂縣尉隣邑有因鬪而服毒死者獄已成檄維德覆驗乃納白金

叙股於喉中良久色若傅墨鞠之果得餘毒於其家慶厯間舉能吏治廣南除知雷州以公田歲入還官罷採珠戶終更無所取改知連州官至虞部員外郎

陳隆之

四川制置使淳祐初成都被圍城破隆之舉家數百口皆死檻隆之至漢州使喻州守臣

降隆之呼語
母降遂見殺

陳公榮

字子華長樂人龜圖十三世孫初遊太學景炎元年同子宗傳族子老成募兵應詔勤王

時蒲壽庚作亂帝舟自泉趨潮逾年張世傑會師討賊公榮兵赴之老成戰歿于泉詔贈御史

臺檢法公榮授福清縣

尹宗傳授提刑司檢法

陳瓚

字琴玉少有聞

景炎間子闕德祐間

航海助張世傑戢軍

世傑奇其才欲奏以官不受元人既執文龍以去就命闕華為守璜陰部署賓客募義民誅華復其城端宗除璜知軍事且令乘勝與世傑犄角復福泉二州會唆都兵至璜力不支被執欲使降璜曰汝知守城不降曰文龍者吾姪也吾家世忠義豈向胡狗求活耶唆都大怒車裂以狗張世傑上其事贈兵部侍郎諡忠武子若水張世傑闕祭閣

陳炤常州人元兵至常州知府姚訔辟炤為通判與訔協力固守城破訔死炤猶巷戰家人曰城東北可走炤曰去此一步非死所矣日中兵至死焉事聞追贈直寶章閣官其子

陳敬叟字炳然臨武人博學能詩文咸淳中進士授迪功郎主簿耒陽學錄德祐北附遂隱居不

仕益肆力於詩文有巽溪集若干卷行于世

陳仲微

字政廣瑞陽人號遂初宋末為吏部郎上章劾權相賈似道束擔而歸先是同郡幸元龍

以小官劾史相彌遠姚勉初登第劾丁相大全三公文章氣節可稱

陳章伯

字奎龍敬叟子少習舉業警敏讀書經目輒通大義才藻秀發德祐北附義不事元謝去

平生濶畧不治生業有田數頃亦輒易去茅屋數椽室中釜盎亦無完器唯閉門玩讀雖寢食不廢其自著作題咏名曰巽溪詞藁

陳元亮

仲微從子博學尚氣節咸淳進士時洪燾為臨安府尹以賈似道逞勢作威元亮率諸生

伏闕上書歷數其奸遂被黜官至御前軍器所幹辦官

陳元桂

臨川人淳祐中進士知臨江軍開慶初元兵奄至元桂力疾登城門督戰吏卒勸之避去

元桂曰時事如此與其死於饑饉疾病盜賊孰若死於守土之為光明俊偉哉兵至元桂大罵

遂遇害諡正

節立廟死所

陳宜中

永嘉人宋末為宰相時幼主歸元乃擁二王由海道趨閩廣已而不支遂遁占城終焉

陳繼周

字碩卿寧都人淳祐中歷知衡陽縣遂約文天祥勤王甚有方畧及元兵已下贛繼周募

兵於農將以有為贛州總管先事襲繼周父子殺之贈敷文閣待制諡忠節次子渠從天祥攻

江西
病死

陳龍復

泉州人與文天祥同登第歷官太府少卿天祥開府南劍分司潮州積糧治兵天祥賴之

及移屯為元
兵所襲死焉

陳自中

宜中弟好學善為文頃刻數千百言悉有理致咸淳中登第由邵司馬擢太常丞宜中奉

二王南遷自中以行軍司馬提兵拒守分水關食絕援絕遂遇害

陳之經

字仲綸莆田人稟資英特弱冠入太學登開禧乙丑第分教德安值邊事戒嚴萃士友講

說兵機習射藝丙寅冬敵自襄隨入寇守貳以

戍兵單弱俾奉檄求援於武士三人縋城而出

敵追幾及至鄂渚泣告宣司雖遣孫鐸二十人

鐸懦駐陽瑩弗進經倍道星間達在所瀝懇廟

堂得兵符調江池孟魚關往會諸軍力戰敵

始遁去宣司就辟充屬關議于朝遂以攻守得

失軍政繆戾數十事

別白陳上時論建之

陳文龍

莆田人能文章負氣節咸淳進士第後累官叅知政事益王入閩稱制以為閩廣宣撫使

討平漳州興化元兵至有諷其降者文龍曰諸君特畏死耳未知此生能不死耶及被執至杭州不食死

陳之純

字仲誠莆田人幼穎異登進士從尚書關思習宏博之業紹熙間詔求直言作資闕朴議

二十篇以進一時名公題其忠讜任江東漕屬當路交刺其才改秩知臨安縣首崇風化催科聽訟悉有成規不擾而治

陳存

安吉人累官至兵部尚書端明制置使宋亡元遣使七徵不起尋遘疾却醫絕食旬有四日卒

陳天瑞

公輔之後師事金華王栢明性理之學志潔而行廉為金華令有能名宋末隱遁林壑詩

文極高古效淵明書
甲子文集五十卷

陳學心

安仁人淳祐間登進士歷官高州知府謝枋得起兵使守安仁元兵至力戰死之

元

陳祐

寧晉人祖忠博究經史鄉黨尊師之既沒門人諡曰茂行先生祐好學累官至浙東道宣慰使

遇盜死諡忠定

陳思謙

祐孫警敏好學至順初拜西行臺監察御史累遷集賢學士御史中丞卒追封魯國公諡

通敏思謙於凡名物度數網紀本末考訂詳究而尤深於邵子皇極經世書

陳尚德

寧德人號懼齋隱居不仕其學以四書五經為本而尤精通律呂天文地志算數之說著

述有四書集解書傳補遺易經解註詠史詩

陳自新

寧德人博學通五經尤精於易數推行皇極經世弟子從遊甚眾所著有起興等集

陳櫟

休寧人性剛正孝友年十五致力聖賢之學鄉人皆師之延祐初試鄉闈中選乃不復赴禮部

教授于家不出門戶者數十年

陳杞

海康人博通經史領鄉貢退休于家深究性理之學受業于門者甚衆所居之里曰義江元末

寇起過其鄉輒相戒曰勿犯陳教授家其為人欽慕如此

陳君用

延平人少負氣勇猛過人元末紅巾闖閩閩授君用南平縣尹給錢募兵闕散家

財繼之遂復建陽浦城等縣累官陞同知副都元帥引兵至連江與賊轉戰而死事聞追封

穎川郡侯諡忠毅

明陳遇

字中行江寧人國初聘起授翰林學士除闕部尚書皆不受靜淡恬退始終一志人稱闕誠先

生卒賜奠鍾山子
恭官至工部尚書

陳瑄

字彥純合肥人父聞洪武初任指揮同知瑄以
蔭累功歷陞右都督進封平江伯卒贈平江侯

諡恭襄為人閭閻英毅喜閱載籍尤精騎射嘗
督理漕運築管家湖高郵湖堤開白塔河通大

江自淮至臨清建肺
四十七所舟楫利之

陳援

字以通烏程人性廉介博學能文洪武中由長
興學訓導遷刑科給事中累官大理寺丞獻獄

多所平反嘗陳治平十疏子

寔閩縣主簿贈翰林編修

陳蕃

泰和人自號心吾學者稱心吾先生行義修潔
以易詩書教授學者為鄉郡所宗洪武初徵議

禮以
老辭

陳祖

長樂人洪武中以明經薦授新繁縣丞道遇一

嫗哭甚哀問之嫗曰夫與子俱喪止餘一孫十

歲昨為大蛇所吞祖令具狀移牒城隍限日引

蛇赴公庭至期果有羣蛇集廳下祖諭曰無與

者退得罪者償命獨一大蛇伏不去即以劍

揮地蛇乃就殞其首民以為異政立祠祀之

陳璉

字廷器東莞人洪武中起家桂林府學教授累

官南京禮部侍郎致仕卒璉孝友和厚博通經

史以文學知名于

時所著有闕集

陳瓘

字同故廬陵人國初迎附仕至寧國知府卒風

采凝峻人咸畏服秉行清介重義輕財惜壽不

耳永

陳圭

字錫玄黃巖人洪武中圭父叔弘罪當死圭奏

願代父死上大喜曰不意今日乃復有孝子宜

陳亨

赦其罪刑部尚書開濟奏曰罪有當刑不宜屈法以開僥倖之路遂聽主代父死人咸服其孝壽州人勇敢善騎射國初從征渡江以功累陞後軍都督僉事仍掌北平行都司事後從軍往

江南鏖戰濶上乘勝而南至白溝奮擊衝陣以疾卒追封涇國公諡襄敏

陳迪

字景道宣城人洪武中由薦舉授寧國學訓導擢翰林編修累官禮部尚書北平兵入被執不

屈死

陳洵仁

字思允長樂人詩學精深洪武乙丑進士拜中書舍人擢給事中立朝敢言文章政事鄭

重一時

陳艮

字從時長樂人洪武中以明經薦授吏部主事因災異與同官蕭儀上封事下獄儀死獄中艮

謫戍交趾再上封事復官嘗校閱遼東衛兵陳軍衛四弊後因忤執政出判嚴陵舟行有大蛇隨之艮謂蛇陰物必有婦人寃比到官果訊得其情釋之人以為神明尤能以禮法齊家族諸兄分異讓其腴田自取封瘡有古人之風

陳賢

字廷傑莆田人宋贈僕射靖之後洪武末舉儒士為南康縣教諭永樂中召入館閣預修大典

考閱校讐積八年書成進呈于是羣儒宴於桃林之陰分韻賦詩名曰桃林燕集頗為當世所重賢改任湖口致仕年七十三歲為人嚴毅方直安貧好古其學以躬行為先及門弟子成就者眾號為古道先生楊士奇為墓表稱其士行可質于神明蓋實錄云

陳剛

字子浩鄞人嘗與甬東傅恕窮日夜績學期以科目自見造詣日深終不一踐場屋洪武五年

徵授延安神木令其地控西北邊人民甚稀習
尚桀驁剛徒步上任撫收疲羸尤急於摧折姦
宄有小吏白敬臣素稱險黠剛欲譴之而敬臣
先覺亡身引賊入寇與其徒劉繼宣挾刃逼令
降賊剛不屈罵曰汝奴果致賊為逆耶吾與此
邑同存亡恨不寸斬汝等賊奪剛所佩印殺之

縣隨
陷

陳登

字思孝長樂人為人諒直洪武中以薦召入
翰林預修國史善文詞尤工篆籀擅名海內

陳植

廬江人元舉人洪武初薦起授吏部主事歷官
兵部侍郎北平兵起督師江上為諸將所害

陳性善

字復初山陰人洪武進士授行人陞翰林檢
討歷官禮部左侍郎建文初改副都御史監

淮上軍兵敗
被執投河死

陳彥回

字士淵莆田人洪武中坐累謫戍后舉明經任保寧府訓導陞平江知縣薦陞徽州知府

北平兵入被執不屈死

陳思賢

茂名人洪武末以明經薦授福建漳

州府學教授永樂詔至被執不屈死

陳珪

泰州人自幼勇畧過人洪武中歷官武職勤勞不怠永樂初以有軍功封泰寧侯

陳禎

華亭人讀書好禮洪武中為禮部主事闕南

酒

陳繼之

閩縣人革除庚辰進士授戶科給事中以江南僧道多占腴田蠶食百姓乃奏僧道人給

五畝餘以賦民從之是時大廟以誅君側之惡舉師於北京繼之間有建白輒肆指斥洪武三

十五年六月京師平
列名奸臣榜夷其族

陳鎰

字有戒吳縣人永樂進士授監察御史累陞都察院左都御史致仕卒為人宅心平恕不務苛

刻凡三鎮陝西多有惠政軍民愛戴祠之於家

陳祚

字永錫吳縣人永樂進士授河南布政司參議坐事落職洪熙初起為監察御史彈覈不避權勢陞福建按察使僉事致仕祚篤學尚氣節累以直言遭貶斥而志不少挫所著有小學辨惑

陳濟

字伯載武進人博學強記六經子史無不究竟時稱為兩脚書廚永樂初以布衣召修永樂大典為總裁書成授右春坊右贊善所著有書傳通證書傳補元史舉要通鑑綱目集覽正誤思

集齋

陳洽

濟弟淹通經史洪武中用薦授吏科給事中永樂中為吏部侍郎大理寺卿佐英國公張輔討

平交趾陞兵部尚書鎮撫其地後交趾復叛成山侯王通引兵渡河洽力陳利害弗聽翌日兵

與賊遇遂被害贈少保諡節愍官其子樞為給事中

陳璲

字廷嘉臨海人永樂進士授編修乞歸不入公府召起提學僉事日與諸生講學務以見諸踐履為先士皆振起陳員韜與子選林一鶚皆出其門年八十二卒

陳諤

字克忠番禺人永樂舉人仕至順天府尹遷鎮江府同知致仕卒于家公以犯顏敢諫屢瀕於死賴我文皇及仁宗之明躡而復奮然竟齟齬坎壈其身直道三黜其信然哉

陳繼

字嗣初吳縣人少孤事母至孝學究性理精蘊淹貫經史洪熙初薦為國子監博士轉翰林五

經博士預修兩朝實錄陞
檢討致仕所著有怡安集

陳敬宗

字光世慈谿人永樂初進士選為翰林庶吉士與修永樂大典擢刑部主事遷翰林侍講

尋轉南京國子司業進陞祭酒
師範嚴重威儀端整士林重之

陳信

字履信仁和人以推擇為吏即知守廉一錢不
取薦陞蘇州通判有公務之京民有餽白金三
百兩者不受致仕歸錢贖俱
不受行李蕭然人皆稱嘆

陳正倫

吉水人永樂進士擢監察御史歷官按察使
操履端慎所至有惠愛及民學士楊士奇最

重之稱
為畏友

陳用

字時顯莆田人舉鄉試第一登永樂進士第選
翰林庶吉士時行在開東館徵天下名儒纂修

五經四書及性理大全諸書用預焉書成授本院檢討陞修撰正統初轉侍講凡掌院事二十餘年以母喪解官歸卒用為人質實醇厚言動不苟鄉邦稱重

陳中

字舜用莆田人宋大中大夫大卞之後永樂十年鄉試第二會試第一賜進士出身資性簡

率才思豐瞻登第後歸家嘗與諸名士游壺山真淨巖次盧希韓詩律一韻二十首頃刻而就詞致清新人服其敏捷正統初自南京戶部主事就留史館使預脩文廟仁廟實錄成賜白金襲衣表裏陞本部員外郎滿九載無意榮宦遂致仕幽巷貧居吟咏自樂公門關節終身未嘗及之成化初卒

陳叔剛

名振以字行閩縣人永樂中登進士第宣德初拜監察御史嚴重不苛預修太宗及仁宗

實錄遷翰林修撰未幾丁內艱廬於墓側哀毀
逾禮服除又修宣宗實錄充闕講官尋陞

侍讀以父病乞歸省視叔剛溫雅
忠厚以文行推重於時有綱齋集

陳孜

字克和以人材薦嘗試政行在兵部尚書呂本
稱之曰陳某倚馬萬言之才也深器重之薦授

職方主事章疏機務多所咨決時軍政
滋弊民往往被誣孜撰軍政條例上之

陳錡

字器之安福人領鄉薦拜監察御史永樂間監
軍甘肅號令嚴明軍民戴之忽邊寇將至或曰

寇勢猖獗宜少避其鋒錡奮然勒兵拒戰數日
力不能支被執錡厲聲罵賊不屈敵怒殺之事

上聞太宗為之涕泣
曰陳御史忠臣也

陳本深

字有源鄆人中永樂戊子鄉試卒業太學擢
刑部主事知吉安府政尚寬平作興士類飭

治學宮秩滿吏民相率奏留之在任凡十八年
初本深蒞郡政舉大綱不屑纖纖小苛比巨豪
既殲屬邑順治益濶疏法網與民相安每晨起
鼓而坐堂閤人報無事輒鼓而休寢間有訟訴
輒呼至榻前折其曲直而遣之亦不受狀久之
士人有靖肅之熱輒就燕罷則左右互攜果餌
遇坊市小兒則投而啗之往往擁其輿蓋解前
民有舉女者漸見其長矣及其筭笑而言曰襁
褓兒已字尚能留此耶去
志遂決吉人至今思慕之

陳鏞

字叔振錢塘人永樂乙亥進士入翰林為庶吉
士鏞幼勤學問及入翰林得畫窺中秘書淳泓

蓄貯為文深閤間與聲名歛起授禮部祠祭主
事宣德初天兵征交南兵部尚書李慶貲軍務
聽舉六卿之屬才且賢者自輔時儀制郎中豐
城史安有盛名鏞名與之相埒慶薦用此二人

並待以殊禮二人屢進忠益慶與主將初聽之
繼不納所謀兩人為扼腕竟至敗被執鑄顧安
曰吾輩見危授命耳皆不屈死鑄重厚清介所
履端確未嘗一比匪人所言所行表裏一由於
正所著桂林集三卷有女兄嘗聘許禮部員外
郎同邑孫迪請期而迪死女兄告于父母赴迪
家迎柩服既終三年守志不嫁卒
於父母家一門忠節鄉邦稱之

陳獻章

字公甫新會人正統舉人薦授翰林檢討不
仕門人稱白沙先生涵養甚熟德器粹完道

風義槩足以激動天下章楓山嘗
謂天下人物以陳白沙為第一流

陳真晟

字刺夫漳州人門人稱布衣先生骨格高聳
神氣肅清望之非塵中人學以靜為主兩上

書闕下不能行
其所學惜哉

陳俊

字時英莆田人正統進士歷官南京兵部尚書諡康懿孝友廉慎以清白自持位至六卿蕭然

若寒

士

陳循

字德遵江西廬陵人正統進士第一歷官少師尚書大學士徐友貞陷于譴併及循戍邊未幾

詔還鄉以壽終

陳員韜

臨海人由進士累官左叅政蒞官清慎惠及於民時值寇亂標掠之餘員韜撫摩調恤擢

福建右布政使子選

陳泰

邵武人正統間以監察御史按治山東克振風紀以藩憲多匪人陳疏數千言大要以選賢去

奸為治本皇上嘉納之後為僉都御史疏理臨清濟寧等處河道蒞下嚴而不苛為政清明吏

不敢欺遷
副都御史

陳叔紹

剛弟正統中進士拜監察御史當景泰初朝廷多故端臺凡有所建白彈擊皆叔紹為之

倡陞湖廣按察副使嘗奉命同刑部郎中許振審錄冤獄多所平反卒叔紹有孝行母病至嘗糞驗差劇有穀齋彙子煒天順中進士亦拜監察御史累陞江西右布政使遷浙江左布政使歷官所至俱有聲

陳豫

字立卿合肥人少習左氏春秋尤善韜畧襲平江伯爵初考牧南畿剔弊省費聲聞赫赫後秉

鉞南征誓不妄殺所活甚眾奏績凱旋所過無犯行李蕭然圖書數帙有古良將風正統天順間三受簡命來鎮臨清興利起廢規畫井井城池官署學宮皆所經畧輯兵安民時倚為重執

政有薦公督漕務者皇上以人情方安公治姑留之以俟鈞軸遂進侯秩未幾以疾卒皇上聞訃震悼輟朝一日祭葬如制臨清父老德公遺澤共相與叩闕請祠祀皇上可其請頒敕諭祭著為彞典進黔

國公諡莊敏

陳復

懷安縣人以進士授戶部主事正統四年陞知杭州府存心公正蒞政嚴明濟以簡靜杭號煩劇復處之幾於無事公堂端坐讀書時以六房講解律令以銷永日尋丁母憂民庶保留起復卒於官無以為殮浙江按察使軒輊倡為賄贈民爭輸饋其子盡卻之曰父生則志於清白沒而子忍以貨汙之哉假貸以歸其喪

陳濂

字德清鄞人敏悟夙成登正統乙丑進士授南京刑部主事明習文法一如素官事尋陞廣東

按察僉事轉副使巡視海道海故盜藪而圖山
又瀕海盜勢猖獗濂輒親冒矢石出奇應變日
夜露禱誓不與賊俱生忽雷電交作風雨晦冥
盜迷瞶相擊殺俘馘無算海南肅然歷陞廣東
左布政使尋陞巡撫廣東都御史又奉命總督
漕運畫作夜惟勤疏濬嚴監督立程度輸運無
後期兩淮故南北孔道諸豪家漁獵貨率多
橫暴陵啖庶姓悉裁以法善良咸獲其所又命
巡撫北直隸兼巡紫荆諸要害明年皇
上又以漕運事重還濂原任比至淮卒

陳述

字宗開讀書工詩長於吏事由御史歷官四川
左叅政甫至適流賊聚眾劫掠官兵失利述至

推誠布公招安三百餘人復擒五十餘人置之
於法其地遂寧已而德陽賊燒什邡安縣移屯
彰明述統官軍為正兵以當賊衝復出奇兵俾
人自為戰所獲財畜即以充賞不旬日渠魁授

首餘黨悉平初蜀地之民不知力本述凡巡歷
勸課農桑教之樹藝自是民用饒裕復著為書
名農桑風化
錄刻之蜀中

陳選

字士賢臨海人天順進士仕至左布政使忤中
貴被逮卒于途贈光祿卿諡恭愍選學醇行方

文詞簡古廉潔無私終身簞糲經濟
之才綽有展布實行高名信于海內

陳音

字師召莆田人宋明州觀察使淬之後也登天
順進士選為翰林庶吉士授編修嘗與修英廟

實錄後進侍講擢南京太常少卿弘治初上命
兼掌南京翰林院事再陞本寺卿僅二載卒年
五十九音為人和易坦率細事無不可至分
別義利則界限截然有不可奪者在翰林時嘗
上疏陳時政數事如乞起李秉張元禎復羅倫
王徽章懋等及用陳獻章革法王佛子真人名

號皆劉直不阿司禮太監黃賜有母喪省寺院
監罔不弔祭翰林亦有欲行者音奮曰堂堂翰
林相率而拜內豎之門奈天下笑何議遂止太
監汪直方用事其爪牙章英夜率邏校入兵部
主事楊仕偉家收縛仕偉并掠其妻衆慄汗莫
測音與比居亟乘墉大呵曰汝何人乃擅辱朝
臣其人曰爾何人乃不畏西廠音曰我翰林侍
講陳某也懼汝輩壞敗國法禍福非所憚其人
為之少戢人
稱愧齋先生

陳壯

字直夫幼從父戍燕清苦力學常枕篋讀書慷
慨有大節天順間成進士拜南京監察御史風

采清峻諸所建明皆經濟大畧時官留都者莊
公景劉公大夏倪公岳羅公倫輩皆海內名流
壯與定交日以行義相淬厲陞江西僉事以憲
度督察官吏而頗不抗疏乞歸師相西涯公東

陽重其去有莫與越人謀出處直夫先謝外臺
歸之句尋擢河南副使甫蒞官即懇疏乞休既
得請杜門修理道益窮蘊與絕請託興至攜
賓朋歷湖山一觴一咏其懷抱蓋泊如也

陳璧

字瑞卿長樂人登成化壬辰進士素性剛介事
兄如父以孝友稱嘗為監察御史多所建白名

動海內弘治甲寅擢臨清兵備副使英聲風度
聞者預已嚴憚甫下車百度惟貞強禦懾服嚴
明果斷人不敢干時鎮守太監李全待以殊禮
少不如公志即加面斥惟深恤民疾振作士氣
時學宮卑隘公首事恢拓制極壯美修城域坊
間里設橋梁戒戎器訓兵馬立義塚弭盜賊文
事武備法制整然費資贖刑公私不病凡規畫
皆計垂不朽至今利之公素以范文正公為法
故扁官署軒曰後樂歷官
蘇松巡撫右副都御史

陳振

字時起鄞人生而靜慧成童為郡庠諸生輒有聲成化辛丑舉進士宰吳縣縣故劇邑鎮以庶

平門罔私謁政清訟理陞監察御史所至皆著風采轉雲南副使遷苑馬寺卿尋上章乞骸骨

歸有命徙官遂以山東右布政使致仕初逆瑾竊柄諸以事至京者多執贄其門而振闕艱

赴部顧獨不見瑾瑾心銜之比至雲南值邊寇煽亂設策冒矢石執訊獲醜南徵遂清瑾索其

瘢不得名且益顯平生卑言危行好勝者輒遜

假于官于家截如也歷仕凡三十年免而歸田室廬蕭然疏糲僅給足不踰戶閥口不及時事

親故罕得見其面已而子孫死喪且盡病卧一榻終不干於人竟亦無省恤之者遂餓而死

陳壽

字本仁新淦人成化進士仕至南京刑部尚書歷官四十年大半在散地食祿任事不久而廬

名最著老無所于
歸沒無以為殮

陳恪

字克謹號矩齋歸安人成化丁未進士初宰宿松以治行被旌召入為御史按貴州畿甸風采

著聞擢南贛兵備副使遭逆瑾罷歸瑾誅起為貴州提督晉右副都御史陞大理卿秉公執法抑縱申冤卒于官恪廉靜勤密出自天性歷官三十餘年清儉如寒士所至以名宦祠薦剡謂其冰清玉潔不愧古人

陳茂烈

字時周莆田人弘治進士歷官御史母老乞終養旌為孝廉杜門養靜領悟既深充養益

熟隱衷粹行可質鬼神對天地鄉國敬服殆管寧黃憲之流也

陳鼎

字文相宣城人迺後弘治進士授給事中言事逮獄罷嘉靖初起叅議仕至浙江按察使陞應

天府府尹卒于官公關
心懷激烈廉介正直遇事敢言

陳察

常熟人弘治壬戌進士任御史時當武宗初逆
瑾亂政察率同列論之繫獄罰米二百石輸邊
後武皇南巡又上言宜深居九重不宜驅馳道
路又言今皇嗣未廣乞簡選宗室及肅皇帝登
極又首陳薦聖志崇聖德歷都察院都御史治
關平逆賊有功察清身苦體羈梁之甘食未嘗
兼味儉朴足師剛峻廉公有威直聲動天下雖
謝免猶政政治道知無不言蓋志行嚴方之士
也

陳霖

長興人字時雨性峭直弘治進士授行人選御
史歷南康知府寧藩之變鎮巡二司俱被執霖
具疏請討家居二十餘年惟賦詩奕棋口
不談官府之事家無餘貲年九十六卒

陳沂

字魯南鄞縣人後居金陵正德丁丑進士由庶吉士授編修歷太僕少卿神采朗秀性行醇謹

詩宗盛唐文出入史漢處韋布時聲名曄然太宰白巖喬公少宰柴墟儲公尚書關橋顧公皆

引為忘年友人皆稱為魯南先生

陳霆

字聲伯德清人授給事中抗直敢言以忤逆瑾逮獄謫判六安瑾誅復起歷遷山西提學僉事

以師道自任士習丕變致政歸雅好詩文著水南集百餘卷

陳良頔

高安人涉獵書史不樂仕進嘗商遊陝肅遇賊與同侶俱被執良頔先脫乃罄所有脫侶

卒不受償處鄉里亦多稱其好義守全重之禮致鄉飲比卒往弔焉清江孫治輓詩云一夜新涼蛻玉蟬士林誰不重潛然冰霜淨几臨青李烟雨空林寫輞川風度清真東晉上詩篇卓絕

盛唐前他年郡乘書高
士碧漢寥寥獨鳳騫

陳璧

字天瑞少孤力學備歷艱劬舉正德丁丑進士
出知滁州滁故孔道使輶踵續為斤斤開節適
武皇南巡隣郡徵發繹騷壁獨不為開率民甚
德之陞刑部員外郎盡心庶獄時開寧婿左府
都督齊佐以姦黨亂政魏彬弟錦衣千戶魏英
以納亂俱坐死而巨璫奉命訊審大獄力欲出
之壁直前爭曰佐受廖堂萬金用鎮陝西陷人
死無笑英姦子婦因而殺死王長隨此而可縱
孰不可縱二人竟不得出轉江西僉事獎廉黜
墨風紀肅然先是布政梁宸坐附逆濠論死御
史巡按者承當道意欲寬宸壁曰宸一省長吏
乃為逆濠署開檄遍移各藩罪有浮此者乎無
將之戒公聞不聞也宸不果釋壁外和内剛與
人寡合自釋褐為五品凡二十餘年不增一級

既歸家田不滿百畝生事僅給未嘗少有干請
至蓄牧稼藝之事皆身親為之清修之節人以
為難

云

陳琳

字玉柔莆田人舉進士為御史提督南畿學政
忤逆瑾被謫正德初同知嘉興專務以德化民

請託不行延獎諸生興起道藝士民親愛
尋遣山東提學副使終南京兵部侍郎

陳克宅

字即卿餘姚人正德九年進士知
嘉定縣累官都察院右副都御史

陳良謨

字忠夫安吉人生甫十月喪父母都氏育之
登正德進士母卒哀毀廬墓起議制司郎中

分校京闈歷官貴州叅政年四十即以疾乞休
恬淡寡慾睦族敦友有古風所著有天目山房

集數十卷和陶小稿見聞紀訓等書
其詩文溫醇典雅卒年九十有一

陳東

字約之鄞縣人嘉靖中以翰林編修出為湖廣僉事性亢潔恬於勢利蒞政廉靜公明吏民畏

之喜讀書能文章知名

當世擢河南提學副使

陳儒

字汝宗錦衣人嘉靖癸未進士提督浙江學校多得士心歷官戶部侍郎

陳鑒

字子兼吳縣人嘉靖戊戌進士為人恬雅簡靜不受衣冠束縛耽佳山水權稅荆南悉屏商羨

去之日囊橐蕭然歷四川督學僉事甚得士心擢河南副使以相見御史不作傴僂狀御史惡其拓落慢已劾之罷隆慶初起官仕至四川右布政使引疾歸年七十卒其書法與祝允明文徵明先後各成一家傳于世

陳侃

字應和鄞人嘉靖丙戌進士授行人進刑科給事中光祿少卿南京太僕寺少卿嘗為權貴計

陷使琉球瀕死復生語在使錄中

陳棐

鄆陵人由進士任禮科給事中直諫敢言不避權貴因忤上旨謫大名長垣丞陞本縣知縣蒞政寬平吏民畏服僅期年百廢俱舉政事日新陞陞寧夏巡撫都御史卒於官

陳洙

字道源上虞人嘉靖己丑進士任御史歷兵部右侍郎首論汪鉉逮獄尋復職巡撫蘇松屢立戰功平生謙遜篤厚有長者風

陳援

字以道烏程人少聰慧凡史籍涉目即成誦洪武十一年以明經授長興儒學訓導陞給事中仕至大理寺丞辨明疑獄人多得直其冤鄉里有豪民以事繫獄託援所親以屬求緩其罪援白于朝明正其罪于是人皆警服尤善詩有韋軒集藏于家子寔以明經授德清儒學訓導陞

閩縣主簿卒于官孫秉中以春秋中
天順丁丑進士為翰林編修遷侍講

陳雍

字希冉餘姚人成化甲辰進
士歷刑部尚書壽一百四歲

陳卿

字汝忠宜賓人弘治
乙丑進士歷侍郎

陳琛

字思獻晉江人正德丁
丑進士歷提學副使

陳陞

字晉甫餘姚人嘉靖辛丑進士父煥正德進士
光祿寺卿兄輝同科進士歷按察副使弟暨已

未進士歷

左叅政

陳大賓

字敬夫江陵人嘉靖進士清介豁達以直節
自負初授知縣治行卓越及選御史糾彈不

避出按江淮風裁稜稜轉知府行鄉約保甲之
法會大盜不煩兵力平之歷任藩翰則詰戎務

慎防守賑荒歉正婚嫁民俗大變巡撫雲貴時
總鎮沐朝弼多不法事乃抗論之發錮南京羣
黨悉治以罪邊徼遂安
陞工部侍郎還尋卒

陳瓚
字敬夫河間獻縣人嘉靖丁未進
士歷都察院左都御史諡簡肅

闕

陳柏

字憲卿義民公之曾孫也生有異質過目成誦與河人童士疇并稱才子舉嘉靖戊子鄉試庚

戌進士與程文簡公文德鄒文莊公守益倡明正學而信從者衆選職方司主事已掌司事時南倭北敵交徵而分宜胄子又竊柄每陽順而陰逆之當時稱楚有兩職方華容幸上卿而河陽淹外臬耳以忤分宜外補井陘兵備井陘大早有禱輒應作時雨軒記未幾宅母憂歸歸亦未出優游於夏汭之間多所著作有蘇山集行于世大都平日端嚴剛正吳明卿作墓志謂其執禮而恭愛人而規多聞識而不自賢也蓋實錄云

陳應和

字文祥浙江歸安人大理卿恪季子少有大志貧而好學大理卒于京邸與其兄鬻產給

葬悲思刻勵嘗以大理小像自隨負而從學貢
選入太學癸卯舉順天鄉試第二人庚戌進士
授蒲州知州入為屯田郎中出知池州陞河南
督學歷河南左布政使所至以功名自顯而裨
身謹行有卻魚燭機之風以忤典銓者致仕歸
而處恬甘寂教子課孫立家廟定宗約不務為
駭世矯俗之行而言皆可則事皆可法脩然儉
素絕口不郵傳人夫以二品八表得下有司存
禮進通奉大夫父子世守
清白人稱不愧太邱云

萬姓統譜卷十八

欽定四庫全書

子部

萬姓統譜卷

十九至
二十三

詳校官中書

臣徐志晉

主事

臣祁韻士覆勘

總校官知縣

臣

楊懋珩

校對官中書

臣

高 中

謄錄監生

臣

武先振

欽定四庫全書

萬姓統譜卷十九

明 凌迪知 撰

上平聲

十一真

車 隴西徵音姁姓之後夏后封支子於莘後去草為氏

周 辛有 東遷之初過伊川見被髮而祭者曰不及百年此其戎乎

辛俞 樂氏家臣晉滅樂氏俞被執不肯樂氏

辛櫟 魯大夫

辛甲

周太史

辛騰

秦將軍曾孫
蒲家中山

辛武賢

為酒泉太守羌人畏服及其弟湯
為護羌校尉使酒醉酖羌人乃畔

辛慶忌

字子貞武賢子以謁者補金城長史舉茂才
遷郎中又遷車騎將軍父子皆為虎臣朝廷

重之

三辛毘

字佐治潁川陽翟人曹操表為議郎遷丞相長
史入魏為侍中好直諫常以事諫文帝帝不聽

毘隨而引其裾帝竟從
其言明帝時封潁鄉侯

晉辛勉

字伯力狄道人博學有貞固之操仕為侍中及
洛陽陷劉聰欲署為光祿大夫固辭曰大丈夫

豈虧高節事二姓乎聰為築室於平陽西山月致酒米辭不受

辛恭靖

狄道人為河南太守姚興來寇恭靖固守百餘日援兵不至城陷被執恭靖厲色曰我寧

為國死不為羌臣興幽之別室後走歸江東帝嘉之桓立請為諮議參軍

辛謚

字叔仲狄道人為散騎常侍長安陷劉聰闕大中大夫不受及冉閔僭號徵為太

食而死

不

辛賓

勉族弟愍帝時為尚書郎及帝蒙塵于平陽劉聰使帝行酒洗爵欲觀晉臣在朝者賓進而抱

帝大哭聰曰前殺庾珉輩故不足為戒耶引出遂加害

辛普明

字文達河南人少就闕康之受業家貧與兄共處一帳兄亡士之高其行者悉以金賄之

後至者不復受曰本以兄墓不周故不逆親友之意今實以足豈可利亡者餘贈耶豫章王疑徵為議曹從事不就

辛景 為臨海太守隆安四年孫恩寇臨海景破之恩窮戚赴海死

辛穆 平原相正直不私當官有守子馥亦為平原相有學行吏民懷之

北辛慶之 字餘慶狄道人少有文學魏時徵至洛陽對策第一除秘書郎累官南荊州刺史位遇雖

隆其率性儉素志量寬和有儒者之風

辛昂 字進召慶之族子周尉遲迴伐蜀表為龍州長史威惠洽著累遷驃騎大將軍

辛德源 字孝基狄道人少有重名累官考功郎中隋高祖受禪不調隱于林慮山著幽居賦以自

寄

辛淵

仕西涼為驍勇將軍及涼後主李歆與沮渠蒙遜戰于蓼泉軍敗失馬淵以所乘授歆而身死

於難以義烈
見稱西土

辛琛

字僧貴魏景明中為揚州長史刺史李崇多事產業琛諫不從後加南梁太守崇置酒賀琛曰

叨忝一方朝夕聞過
是所願也崇有慙色

辛術

字懷哲狄道人初為司空法曹參軍出為清河太守睢州刺史及所部郡守俱犯大辟朝廷以

其奴婢資財賜術三辭不允術乃送
詣所司不復以聞贈開府儀同三司

辛雄

字世賓仕魏歷尚書郎先是御史中丞王匡與
棺諫諍尚書令王澄劾匡大不敬雄奏理之

辛祥

字萬福仕魏任平北府司馬有白壁還兵樂道顯被誣為賊官屬咸疑之祥曰道顯面有悲色

察獄以色其此之謂乎苦

執申之月餘別獲真賊

辛威

隴西人性持重有威嚴初從賀拔岳征伐有功及文帝統岳眾見威奇之引為帳內進爵為公

辛紹先

淵子仕魏為下邳太守子鳳達就道樂古有長者之名

辛少雍

字季和鳳達子少聰穎有孝行尤為祖紹先所愛紹先性嗜羊肝嘗呼少雍共食紹先卒

少雍終身不食肝性仁厚有禮義門內之法為時所重

隋
辛彥之

狄道人為太常少卿帝令與沈重議論禮文重不能抗後除隋州刺史時州牧皆貢珍玩

惟彥之所貢皆供祭之物帝善之遷潞州刺史

辛公義

狄道人為岷州刺史有善政民呼為慈父遷并州刺史至獄露坐驗囚決斷咸宜人服其

明時山東霖雨皆苦水災境內獨無損尋轉為黜陟使所至多政績

唐

辛雲京

蘭州金城人有膽決以擒生斬馘常冠諸軍積功授開府儀同三司右僕射同平章事

辛替否

字協時京兆人為左拾遺時置公主府官屬而安樂府補授尤濫築第侈貴咸興佛寺替

否上侈貴
疏諫之

辛京果

常從李光弼戰尤力肅宗異之召見曰其黥彭關張之流乎

辛儼

學詩書善擊劒有濟時志少耕于野有牛鬪而兩持其角久之竟折其角里人駭異唐末為嶺

南節
度使

辛秘

隴西人憲宗時拜湖州刺史李錡反蘇常杭睦四刺史戰敗俱拘脅獨秘以儒者賊易之未及

至秘召牙將邱知二夜開城收壯士得數百逆賊大戰斬其將進焚營堡錡平賜金紫僉謂秘

將帥

材

辛玄馭

武后時為屯田郎中嘗云兒子從官者有人來云貧乏不能自存此是好消息如聞貲貨

充足衣馬輕肥此是惡消息

辛樊

兄弟五人並有才識時人曰五龍一門金枝玉昆

宋辛仲甫

字之翰孝義人太祖問趙普以文武兼資者普以仲甫對拜右補闕出知光州後為叅知

政事卒贈

吏部尚書

辛棄疾

字幼安歷城人棄金歸朝累遷龍圖閣待制與朱熹素善熹沒黨禁方嚴獨為文往哭之

卒諡忠敏所

著有稼軒集

辛次膺

字起季萊州人政和進士累官至叅知政事孝友清介立朝謇諤如成敏湯思退之屬皆

為所劾仕宦五十年無纖毫掛吏議為政貴清靜先德化所至有聲

辛文悅

宋太祖幼從文悅肄業逮即位召見授判太府事時周鄭王出居房州太祖謂文悅長者

命知房州以保全之

辛企宗

都統節度使

辛炳

字如晦侯官人元符進士累官殿中侍御史以疏蔡京發運之弊謫監南劍州高宗朝復為侍

御史言事切直遷中丞卒詔以炳操
行清修貧無以葬賜銀帛賻其家

元

辛思謙

建陽尹長於儒業勤於
吏治邑人愛之如父母

辛有常

汶上人以儒道鳴山東仕
至河東山西道宣慰使

明

辛彥博

汾州人洪武中由太學生擢監察御史歷僉
都御史累官按察使布政使數歷中外有聲

辛民

河南人洪
武進士

辛祐

江西人永
樂進士

辛浩

字養正江夏人正統戊戌進士任監察御史彈
劾不避權勢謫戍遼陽俗不尚文學浩至選校

子弟教之皆有成卒為
名士天順中復其官

辛自修

偃師人嘉靖丙辰進士太常少卿萬歷中歷順天府府丞

荀

河內徵音文王第十七子郇侯去邑為氏

周

荀息

春秋晉人獻公時為大夫請假道於虞以伐虢師還襲虞滅之息初輔奚齊奚齊見殺又立卓

子輔之卓子亦見殺息遂死焉

荀林父

晉人為文公御戎敗楚師于城濮又佐下軍敗秦師景公時代卻缺為政卒諡曰桓其後

號中行氏

荀吳

林父曾孫祖庚晉景公時為大夫代荀首佐中軍父偃為晉卿卒諡獻子吳嘗大敗羣狄不受

鼓人之叛鼓告力竭而後取之不戮一人平公時為卿卒諡曰穆吳子寅勸勿伐楚卒諡曰文

荀欣

侍趙君以選練舉賢任官使能

荀卿

字況趙人年五十始來游學於齊齊襄王時卿最為老師適楚為蘭陵令著書數萬言羽翼六

經有荀子傳于世

荀會

晉悼公即位使荀家公族大夫使訓鄉之子弟恭儉孝弟

漢荀淑

字季和潁川潁陰人少有高行博學而不好章句桓帝朝補以朗陵侯相蒞事明理稱為神君

尋棄官歸子八人儉緄靖壽汪爽肅專竝有才名時謂八龍

荀靖

字叔慈淑子少有雋才以孝著名隱身修學動止合禮屢辟不就號立行先生

荀爽

字慈明淑子十二歲通春秋時語曰荀氏八龍慈明無雙或問許邵靖爽孰賢曰二人皆玉慈

明外光叔

慈內潤

荀悅

字仲豫，淑孫。家貧，無書。每於人家見篇牘，一覽即記。官至秘書監，侍中。時政移曹氏，悅關中鑒

五篇奏之。又依左傳體刪漢書為帝紀三十篇。

荀彧

字文若，淑孫。聞曹操有雄畧，歸之。操與語，大悅。曰：「吾子房也。」以為奮武司馬。軍國事悉以咨之。董昭謂操宜進爵國公，彧曰：「曹公本興義兵，不宜如此。」操心不平，因表留彧為侍中，至濡須口。

飲藥死。子

粲，字奉倩。

荀昱

淑兄。子漢黨，人八俊之一。

荀鳴鶴

能詩，不作常語。

荀競

字公然榆次令為政以德而民懷之有鳳凰集其境晉武帝下詔褒美云就之如日月仰之如

神明愛之如父母樂之如時雨

荀恁

有清節匈奴憚之

荀雍

與四友以文章賞會

三國荀攸

字公達或從子祖父曇廣陵太守攸仕為汝南太守曹操以為軍師及魏建國為尚書令卒諡敬侯子顗博學洽聞仕魏為司空年七十居母憂哀毀幾滅性封臨淮公

荀輝

散騎常侍著周易十卷

荀彘

著分王年歷五卷

晉荀勗

字公曾，曾孫晉武朝領秘書監，得汲冢中古人竹書，撰次以為中經，列在秘書。自中書遷

尚書，令人賀之曰：「奪我鳳凰池諸君何賀耶？」有十子。

荀緯

字公高，河內人。少喜文字，建安中召署軍謀掾。黃初間，遷散騎常侍。

荀組

勗子夷，雅有才識，累官太子太保，懷愍之難，多所匡扶。

荀綽

勗子字彥舒，博學有才能，撰晉書十五篇，傳于世。永嘉末，為司空。

荀藩

勗子字大堅，元康中為黃門侍郎，從駕討齊王冏，勲封西關縣公。

荀邃

藩子，字道玄，解音樂，善談論，弱冠遷太子洗馬，累官尚書，與明協婚，協執權，欲以邃為吏部尚

書，邃深拒之。

荀闓

藩次子字道明京師語曰洛中英英荀道明官至侍中尚書

荀奕

字玄欣組子官至太僕

荀顗

字景倩或第六子累遷侍中清純體道忠鯁立朝有佐命弼導之勲銘功太常配享清廟

荀崧

字景駿或玄孫志操清純雅好名學泰始中代兄襲父爵為安陵鄉侯累官開府儀同三司錄

尚書事蘇峻之亂與王導等共衛帝二子熒羨並知名

荀斐

字令遠潁陰人崧子有儀操威望為簡文帝所重除建威將軍

荀伯子

潁陰人博通經傳仕為著作郎與徐廣同撰國史遷御史中丞

荀匠

字文師潁陰人晉太保勗九世孫也父法超仕齊安復令卒官匠號慟氣絕身體皆冷至夜乃

蘇既而奔喪每宿江渚商旅不忍聞其哭聲天監元年其兄斐為鬱林太守征徭賊為流矢所中死于陣喪還匠迎于豫章望舟投水傍人赴救僅而得存及至家貧不時莫居父憂并兄服歷四年不出廬戶自括髮不復拂沐髮皆禿落哭無時聲盡則繼之以泣目皆皆爛形骸枯頽皮骨裁連雖家人不復識郡縣以狀言武帝詔遣中書舍人為其除服擢為豫章王國左常侍匠雖即吉而毀頽逾甚外祖孫謙誠之曰主上以孝臨天下汝行過古人故擢汝此職非惟君父之命難拒故亦揚名後世所顯豈獨汝身哉匠乃拜

荀濟

字子通其先潁川人世居江右濟初與梁武帝為布衣交知梁武當王然負氣不服謂人曰會于楯上磨墨作檄文或稱其才于梁武梁武曰此人好亂者也濟又上書譏佛法言營費太甚

梁武將誅之遂奔魏館于崔陵家及是見執楊
愔謂曰遲暮何為然濟曰叱叱氣耳何關遲暮
乃下辨曰自傷年幾摧頽功名不建舍兒女之
情起風雲之事故欲扶天子誅權臣齊文襄惜
其才將不殺親謂之曰荀公何意反濟曰奉詔
誅將軍高澄何謂反于是燔殺之鄴下士夫多
傳濟音韻

荀萬秋

字元寶潁川人亦用才學自獻昶見釋慧琳
謂曰昨萬秋對策欲以相示答曰此不須看

若非先見而答貧道不能為若先見而答貧道
奴亦能為昶曰此將不傷道德邪答曰大德所
以不德乃相答而笑竟不看
焉萬秋孝武初為晉陵太守

荀法尚

少倣儻有文武幹畧禎明中為都督郢州刺
史及隋軍濟江法尚降入隋歷邵觀綿豐泗

州刺史巴東敦

煌二郡太守

荀欽明

武陵太守

荀羨

字令則褚彙奇之曰荀生逸羣之材將有冲天之舉遷徐州刺史時年二十八中興人物未有

如羨之

年少者

荀朗

字深明潁陰人慷慨有大畧仕梁累官荊州刺史以功封興寧縣侯遷都督合州刺史

荀士遜

為文清典見賞知音在齊為中書舍人狀貌甚醜目曰醜舍人

荀伯玉

字弄璋廣陵人祖永南譙太守父聞之給事中齊高帝朝為侍中

宋

荀炎震

眉州人紹熙進士

明

荀釗

劍州人洪武中
夷陵州知州

荀玉珍

字器之鳳陽人先任民兵萬戶府經歷以能
稱永樂戊戌改丞涇邑慈祥愷悌人心悅服

召為都督府經歷
陞松江府知府

荀世美

霍州人成
化舉人

荀鳳

徐州人弘
治進士

荀天常

洛陽人正德中
任滑縣教諭

荀時中

臨汾人萬歷
丙子舉人

荀景昭

臨汾人萬歷間陝
西慶元縣知縣

郇 周文王第十七子封郇侯其後以國為氏今淮南多此姓郇音荀又胡頑切音環

漢 郇越

字君仲太原人明經飭行平帝時州郡舉茂才散其先人貲千餘萬分施九族州里志節甚高

顯名
于世

郇恁

字君大劉平薦為議郎少好清修父資財千萬悉散與九族隱居山澤以求厥志

郇相

字雅賓

唐 郇謨

晉州人元載盛時謨以麻總髮持竹筍葦席行哭長安東市人問之曰吾有字三十欲以獻上

言一事不中以筍貯屍席裏而棄之代宗召見賜以衣館內容省問狀多譏切載

明 郇旃

沐陽人洪武進士

郇英

汝州人正統舉人

郇靜

汝州人正德中任南樂教諭

郇存正

益都人萬厯間德安府推官

甄

中山徵音舜陶甄河濱因氏音真又云音堅

漢甄字

長文東漢人拜博士每臘日詔賜博士各一羊字獨取其瘦者後朝會詔問瘦羊博士所在

甄邯

太保侍中奉車都尉時羣臣稱頌王莽功德宜告祠宗廟邯請罷議子豐司徒為中山甄姓

甄逸

上蔡令女為魏文帝皇后生明帝後追封安城侯

甄豐

袁紹司徒

甄叔遵

撰七要本
啓三卷

南甄法崇

中山人仕宋為江陵令在任嚴整時人稱之孫彬

甄彬

有行業鄉黨稱善嘗以苧就人質錢後贖之於來中得五兩金即送還之後為益州錄事參軍

帶郡縣令將行同列五人梁武誠以問慎至彬獨曰卿昔有還金之美故不復以問言相屬

甄琛

無極人父凝州主簿琛學覽經史仕魏累官車騎將軍兼侍中在官清白子侃字道正秘書郎

楷字德方

滄州刺史

甄密

字叔雍清謹少嗜慾頗涉書史疾世俗貪競乾沒榮寵曾為風賦以見意後叅魏中山王英軍

事英敗鄉人蘇良沒于賊中密盡私財以贖之良歸傾資報密密一皆不受良聞之日本不

求貨豈相贖之意魏孝莊
帝時封密為安市縣子

甄孝靜

密子初為衛尉卿在官有
平直之譽出為徐州刺史

甄恬

字彥約中山人母喪廬墓側有白鳩白
棲宿其廬州表其行狀仕至安南參軍

唐甄濟

字孟成無極人好學隱居諸府辟詔皆不就
宗嘗強致安祿山府中濟知祿山有反心遂脫

歸祿山反緘刀以授使曰即不起斷其頭來使
至濟引頸待刀使嗟歎而止後玄宗召為祕書

郎遷太
子舍人

甄逢

濟子嘗以父名不得在國史欲詣京師自陳元
和中袁滋表濟節行與權皋同科宜載于史有

詔贈濟祕書少監移書于史館逢與
其父俱當得書由是父子俱顯名

甄權

中山人嘗以母病與弟立言專醫方得其旨趣隋開皇初為秘書省正字

甄亶

字道一中山人慷慨多大畧以孝徵累官夏州都督

宋

甄履

開封人登科

甄昂

開封人登科

甄宗

開封人淳熙進士

甄旦

知麗水縣吏道詳敏而歸以文學清白以率下明察以照姦到任未暮政治大成

甄好古

贏州人

甄徹

陳州人

明甄庸

宛平人任御史出巡廣西卓有風裁召還拜工部右侍郎尋陞尚書致仕庸性凝重言若不出

口遇事處之

綽有餘裕

甄誼

西安人洪武中同知長沙府事勸課農桑作興學校鋤強扶弱綽有政聲尋陞順天府尹

甄堅

洪武中任御史

甄實

沛縣人永樂初鄉貢歷官湖州府同知陞太僕寺卿益著勤能遷四川左布政使

甄完

新昌人永樂進士

甄希賢

麟遊人成化進士任御史

甄成德

山西人嘉靖進士

甄惠

字之哲東鹿人舉進士以翰林檢討出判汝泰宿三州用薦陞兵部武選主事西征有功三州

之民咸懷舊惠交章保留遂改陞宿州知州

秦

天水徵音顓頊嬴姓伯益之後裔孫非子封于秦周氏又望出太原又齊郡

周秦緩

字越人鄭人居渤海少為舍長客長桑君過緩奇事之君亦知緩非常人私謂曰我有禁方年

老欲傳與公毋泄乃出懷中藥曰飲關以上池之水三十日當知物矣悉取禁方與之

秦非

魯人孔門弟子樂善慕道後世封華陽侯

秦祖

秦人孔門弟子篤于守道唐封少梁伯宋加封鄆城侯

秦冉

孔子弟子

秦商

楚人

秦董父

魯人孟氏臣有勇力魯師從晉圍偃陽董父

輦重如役偃陽人啓門諸侯之士門焉縣門發聊人紇扶之以出門者狄虎彌建大車之輪而蒙之以甲以為櫓左執之右拔戟以成隊孟獻子曰詩所謂有力如虎者也主人縣布董父登之及堞而絕之墜則又懸之藪而復上者三偃陽人嘉其勇辭焉乃退帶其斷布以徇于軍三日

漢

秦彭

字伯平茂陵人六世祖襲與羣從五人同時為二千石三輔號萬石秦氏彭建初時為陽太

守以禮訓人後徙潁川有鳳凰麒麟嘉禾甘露之瑞肅宗巡行輒賞賜焉

秦周

黨人八尉之一

秦恭

字延君信都人少與張山拊鄭廣中假倉同師事夏侯建授尚書恭又增其師法至百萬言官

至城陽內史故小夏之傳有鄭張秦假之學後恭授魯人馮賓賓為博士皆以學知名

秦文郁

為洪陽尹政聲大著民懷其德惠

三秦宓

字子叔綿竹人少有才學州郡辟命皆不往漢昭烈定益州廣漢太守夏侯纂請為師友祭酒宓臥不起及諸葛亮領益州牧選宓迎為別駕吳遣張溫來聘百官往餞宓與溫答問應聲而

去溫大敬服

秦伯南

曹真之父也夙與曹操善袁術部黨與操攻劫操出寇所追走入秦氏伯南開門受之寇

問操所在答云我是也遂害之由是操思其功故變其子真之姓曹氏

唐秦瓊

字叔寶歷城人從太宗戰伐有功累官左武衛大將軍贈徐州都督圖像凌烟閣

秦系

字公緒天寶末避亂剡溪客泉州南有大松百餘結廬其上穴石為研注老子號南安居士

與劉長卿相和權德輿曰長卿自以為五言長城系以偏師攻之

秦景通

晉陵人與弟暉皆有名俱精漢書號大小二秦君經指授者咸有師法景通仕至開賢閣

學士暉復踐其官云

五代秦族

後周洛川人性至孝父喪哀毀過禮以母在抑割哀情以慰母心與弟榮先篤友愛母死終喪

之後不入房室者二十一年鄉里感歎詔旌表之

宋秦觀

字少游高郵人長於議論文麗而思深元祐初蘇軾薦于朝除太學博士遷國史院編修官坐

貶有淮海

閒居集

秦義

字致堯江寧人祖父皆仕南唐義歸宋補殿直督廣濟漕太宗時提點淮南茶鹽歷知數州義

知書好為詩喜賓客頗有士風歷貨財之任凡十餘年精勤練習號為稱職

秦傳序

江寧人淳化中充夔峽巡檢使賊攻夔州傳序督士卒晝夜拒戰久之度力不支乃為蠟

書遣人上報赴火死子夔沂峽求父屍溺死人以為父死于忠子死于孝奏至太宗惻然錄傳

序子煦

為殿直

秦熹

涇陽人為長者歲收萬斛租鄉民輸粟令自行槩當元豐間頻歲饑饉作粥以飼全活者眾

秦鉅

字子野江寧人檜曾孫通判蘄州金人犯境城破巷戰死傷畧盡歸署火倉庫乃自焚死子浚

渾從父皆死詔贈
鉅五官封義烈侯

秦希甫

字辨之吳人元符中為陝西
轉運判官後入元祐黨籍

秦再雄

辰州徭人武健多謀太祖下荆湖召再雄至
闕下擢辰州刺史再雄感恩誓死終太祖世

邊境

無患

秦當

上黨人金季兵起竅山麓為洞奉親以居傍竅
大洞匿其里中百人具牛酒出待兵兵入索惟

見其親屬曰孝士也釋之去人甚
德之孫起宗仕元累官兵部尚書

秦懷忠

博白人以文學孝廉稱應四舉第初授
徐聞令平反冤獄後知容州有治聲

秦仔

靖康中二聖北狩齋
詔回命高宗圖恢復

秦起宗

洛水人幼生長兵間學書無從得紙父順削柳為簡寫以授之成誦削去更書累遷中臺

御史以兵部尚書致仕
子鈞銓鐸鑄皆仕于時

秦長卿

洛陽人姿貌魁特倣儻有大志世祖徵至京時阿哈瑪特專政長卿上書請誅之遂為阿哈瑪

特所害從子山甫建康府判官山甫
子從龍侍御史從德行省叅知政事

明秦從龍

字元之仕元為御史元末避兵居鎮江洪武
初朝廷重其才學老成聘至京賜第西華門

外事無大小悉與之謀
以筆書漆板問答甚密

秦裕伯

大名人元進士棄官寓揚州張士誠招之不
納吳元年上命徵之對使者曰受元爵祿二

十餘年背之不忠也母喪未終忘哀而出不孝
也固辭洪武初上復手書諭之裕伯入朝命為

待制固

辭不允

秦約

字文仲崇明人少嗜學長益刻勵于書無所不讀為詩文負豪氣洪武初舉文舉試居首擢禮

部侍郎以母老告歸後徵儒士講

論治道有司以其名聞賜帛鉉

秦仲章

洪武中為慈谿縣丞廉正不撓時李仲文為寧波知府遣吏馮仁生行縣違法仲章械仁

生至闕下太祖嘉之即陞仲章為

寧波知府降仲文為慈谿縣丞

秦世顯

字子修十八登進士仕饒陽知縣身不滿四尺又癯弱人患難治日高升堂裁決如流日

頃廷無人囹圄空虛有盜入境射獲渠魁一人

餘下馬羅拜俱生擒而還自是境內無盜年二

十二卒人

共惜之

秦達

宣城人洪武間由國子生累官工部尚書

秦琰

歷城人洪武中領鄉薦累官刑部侍郎才行見稱于時

秦約

字仲本淮安人宋直龍圖閣觀之後關官博士洪武初召對拜侍郎禮部以母老辭

歸後復以束帛徵上封事乞重儒術廣教化之意又令守相考闕各為書上之省以訪治民術授文學溧陽吳沈薦約文時宜置之側得盡啓沃在溧陽久之乞歸卒約為文原本經義貢師秦極重之所著樵海集及他書有傳者

秦泰

洪武中知南昌縣勤于撫字延禮儒士民有不率者以禮喻之不加鞭扑政清訟簡去任父老

攀留

秦岳

字維翰慈谿人由邑庠弟子員中永樂丁酉鄉試卒業太學拜兵部武選主事陞本部職方郎

中陞山西布政司右叅議督理糧儲時水旱相仍有司催科逾迫而逋積愈多岳曰暑雨艱食民方怨咨急之使倍償以償是轉之溝壑耳況歲且有秋乎因屬其耆老而諭之民大悅越三月鞭扑不施而逋積以清丁母憂去性寬厚朴實無驕矜收求之氣嘗自書勤儉忍耐謙和六字以自警人稱為長者

秦旭

字景陽無錫人究心問學為詩數腴雄健氣格類放翁成始終名能詩愛之旭沉重寡言居處有常不妄與人交初號修敬晚益端莊詳雅動履有則里中有為不善者輒相戒曰勿令秦翁知以子貴累封武昌知府愈慎敬恭謹足跡不涉官府又號謙翁嘗與李明數人開吟社于

惠山之麓名曰碧山吟得年八十五卒友人私謚曰貞靖詩有修敬集子夔江西右布政使永孚仲孚成化間以雙孝旌門

秦蕃

字良翰常熟人成化進士

秦崇

山東嶧縣人由進士歷南京光祿卿

秦時中

洪武中知雷州府謹厚端嚴僚屬吏民咸畏仰之歲旱禱雨輒應修復陂塘民沾其利各

邑鄉都建立壇所以

嚴春祈秋報之祀

關

關海人由進士任湖廣興山知縣簡留禮科行在刑部郎中以言事改河南衛輝府同知撰

永樂太平歌白玉禎祥等詩營建宮闕賦及洪熙輔政策二十五道以進稱旨

秦民悅

字邦約合肥人天順進士授行人歷南京兵部尚書

秦夔

字廷韶無錫人天順進士授南京兵部主事歷知武昌府屏茲植善興學勸農創養濟院定均

徭法積穀備荒節財裕國都御史吳琛劉敦尤加器重乃創張乖厓祠葺黃鶴樓祀神江潁力

縛劇盜辨獄會城首

罪妖伶皆美政也

秦金

字國聲無錫人弘治進士官兵部尚書諡端敏

秦偉

字世觀三原人弘治進士歷官山西參政與馬理呂柟相友善所養益遠為參政時令行禁止

道不拾遺治

為天下最

秦禮

字從節臨海人弘治進士歷官按察使

秦文

字從簡臨海人正德進士歷布政司叅政子鳴春舉人任司務鳴夏壬辰進士右春坊中允鳴

雷甲辰狀元
禮部尚書

秦武

字從熙臨海人
正德辛未進士

秦瑛

字玉輝山陰人正統
進士歷翰林檢討

秦佑

字順甫臨海人
正德辛未進士

秦銳

字克進會稽人弘治
庚戌進士歷副使

秦金

字懋南鉞弟慈谿
人嘉靖癸未進士

秦顥

字士昂貴州人正統
壬戌進士歷布政

秦世顯

字子修涇陽人
嘉靖癸未進士

秦嘯

字廷贊崑山人
成化己未進士歷副使

秦鉞

字懋功慈谿人
正德甲戌進士為湖廣攸縣知縣政績有聞進監察御史巡按江西監臨鄉試取士多得人陞徐州兵備副使歷山東叅政按察使左右布政使才識通敏數歷著聲擢副都御史巡撫江西召入內臺不數月乞歸致仕而卒

秦初

字性初以進士起家官翰林檢討中書舍人遷禮部主事敦裕醇厚行誼如古人居太學時同舍生以使命去妻死無主初為之經紀喪事甚周有金安者除後山衛經歷當之任貧無以治裝初脫所乘驢資遣之徒步出入後在史館阜人嘗失馬以逸告人疑阜為盜當窮治曰我未

嘗寡恩人必不負我後馬果得于他所鄉人有積不義者富于財禮幣為其母請銘初諤曰吾

文不足以榮若母卒不許終于官

秦彪

爵谿所百戶嘉靖壬子倭賊登赤坎攻遊仙寨甚急彪曰遊仙與爵谿唇齒無遊仙是無爵谿

也先人遺我汗馬勲不勉戰而死法何以見于地下乎乃與弟漢疾馳赴關力不能支遂俱死

秦涇

字汝清平湖人幼喪母哀毀不勝喪除像事之如生及事繼母失愛事之益謹撫異母弟尤篤

卒回母心父卧病隣火及卧所扶昇不及涇但叩頭籲天風反火滅父歿廬墓終喪

秦紘

字世纓單人景泰中舉進士任監察御史劾中官採辦謫驛丞陞雄縣令以禁革中官捕獵被

誣幾不免邑民數千人訴登聞得寬宥調陝西谷縣令日與將官講兵法料敵情凡六載知葭

州調秦州以艱歸秦民日哭留秦保仍任秦州
累遷至都御史提督宣府凡與敵十戰以全制
勝遷戶部侍郎以忤時貴降廣西叅政尋陞戶
部尚書紘正直剛方節槩凜凜為時名臣卒諡
襄毅祀
鄉賢祠

秦鎬

字子京三原人
嘉靖癸未進士

秦鏊

字子元崑山人
嘉靖丙戌進士

秦鳴夏

字子升臨海人嘉靖壬辰進士改吉士歷左
春坊中允告歸嘉靖己未起南兵職方主事

辭不

仕

秦鳴雷

字子豫鳴夏弟嘉靖甲辰進士
第一授修撰歷南京禮部尚書

秦禾

字子實無錫人嘉靖癸丑進士知武康愛民守已政多平易民多德之歷金華知府避同姓改

永昌卒
于官

秦

明

字子成無錫人嘉靖丁未進士歷提學副使湖廣右布政使

秦

明

字鳴和慈谿人嘉靖庚戌進士歷江西左布政使

秦

明

字仲學慈谿人嘉靖癸丑進士

秦

明

字仲修咸寧人嘉靖癸丑進士歷行太僕寺卿

秦

明

慈谿人癸丑進士萬曆間湖廣右布政

秦

明

字曲周人乙丑進士萬曆間河南按察使

申

商音姜姓炎帝之後封于申號申伯以邑為氏

又望出丹陽

周

申伯

周宣王母舅封申築城于謝仲山甫作詩送之曰崧高維嶽峻極于天維嶽降神生甫及申

申振

魯人孔門弟子孔子嘗言吾未見剛者或以申振對孔子謂振也慾馬得剛後世追封上蔡侯

申黨

魯人孔門弟子言動克勤後世累封淄川侯

申無宇

仕楚為羊尹王城陳蔡不羹使公子棄疾為蔡公無宇曰五大不在邊五細不在庭親不

在外羈不在內今棄疾在外鄭丹在內君其外戒後陳蔡作亂竟如其言焉

申亥

無宇子靈王乾谿之難也王汧夏將入于鄢申亥曰吾父再奸王命王弗誅惠孰大焉君不可

忍惠不可棄吾其從王乃求王遇諸棘闡以歸王縊于羊尹申亥氏申亥以其二女殉而葬之

申繻

桓公與姜氏如齊曰女有家男有室無相瀆

申豐

魯季氏家臣

申須

魯臣星字大辰謂諸侯有大災

申詳

見孟子

申巫臣

楚人說壽夢教戰陣使楚罷於奔命吳之強于中國自巫臣始壽夢思其功以其子孤庸

為相

申包胥

楚人仕為大夫與伍員友善平王殺負父奢兄尚負曰我必覆楚包胥曰吾必復之及吳

師伐楚入郢包胥乃入秦乞師救楚依庭牆而哭日夜不絕勺水不入口七日秦伯哀之乃出

師至楚楚王賞
功逃之不受

申鳴

楚人王欲相之鳴辭不受曰舍父之孝子而為王之忠臣不可父強之遂入朝為相白公為亂將往死之父曰棄父而死其可乎鳴曰夫仕者身歸于君無死其難乎遂以兵圍之白公劫其父以兵鳴流涕曰食其食者死其事今吾君之忠臣也不得為父之孝子矣遂殺白公其父亦死鳴曰食君之食避君之難非忠臣也

申不害

荆人韓昭侯用為相終申子之身國治兵彊無侵韓者學本黃老而主刑名著書

篇號

曰申子

漢
申培公

魯人少事齊人浮邱伯受詩高帝過魯申公以弟子從師入見武帝使使以束帛加璧安

車蒲輪迎之至則以為大中大夫武帝問治亂之事對曰為治不在多言顧力行何如爾後以

病免歸

申威

延陵人
鴻臚卿

申朔

字元游蒼梧人性廉慎常著布襦布袴不事綺紈鄉邑嘆慕之舉孝廉為九真都尉後擊搖賊

有功民
頌其德

南
北申怙

字公休魏人父宣子坦並以幹用見知拜青州刺史性清約頻處州郡妻子不免饑寒世以此

稱之

申徽

字世儀為襄州刺史史性廉慎乃畫楊震像于寢室以自戒累遷都官尚書右僕射

唐

申稷

大厯中為建昌令政平訟理流民復業

宋

申世寧

鉛山人紹興六年潘達兵襲鉛山父年逾七十未及出戶遇賊賊意其有藏金欲殺之世

寧年未冠亟引頸願代父死賊感其孝兩全之

申積中

成都人楊繪從其父起求之為子及長知非楊氏而絕口不言登進士事所養父母盡孝

終身有二弟一妹為畢婚娶始歸本族復申氏政和中通判德順軍

明

申克敬

昭化人洪武中由太學生入仕才能著稱練達老成累官河南右布政使

申綱

陽曲人景泰間鄉舉選為監察御史有直聲出按河間等府奸貪望風屏迹歷松江九江守德

政覃敷二郡士

民有遐思焉

申綸

永年人弘治進士累官按察司副使性忠亮有雅度蒞官以廉白稱子价嘉靖進士官至副使

申盤

字靖之諸城人弘治進士河南僉事

申錫

眉州人嘗作先天太極諸書自一歲一月一日一身皆有圖說至于九疇會極中央立極中星

合極復分畫而附益之又作三易圖說十卷以探義文孔子之秘而六十四卦卦為二圖以釋

其義明喪讀書至老不倦

申璇

字儀卿魏縣人嘉靖進士歷官吏部郎中性恬淡不樂仕進屢起屢辭為時所稱

真

上谷百濟八姓其一曰真

漢真祐

太尉長史

真欽

太醫令

真玄菟

善莫

宋真德秀

字景元浦城人四歲受書過目成誦慶元中第進士累官至叅知政事世稱西山先生諡

文忠德秀之學以朱文公為宗所著有大學衍義讀書記文章正宗從祀孔子廟庭

真志道

德秀之子以蔭補官累遷戶部侍郎子紹祖府判同祖同知孫蜀孫金德主簿宜孫永春

縣尹

真孚若

天聖間撫州軍事判官

明真善同

字景彰浦城人永樂舉人

真節

字士和德秀十三世孫世居浦城正德間河南開封府通判持廉守正人稱為清白吏

鈞

角音洛陽楚大夫元鈞之後

漢

鈞喜

御史御

宋

鈞光祖

紹興間任兵馬副使

鈞昌期

興隆進士渠縣人

鈞仲甫

大觀進士鹽亭人

親

周親弗

齊人相秦

漢親肥

袁安仁
恕掾

親宋

親意

莘

天水徵音夏后啓支子封莘因氏焉

宋

莘融

舉進士
錢塘人

明

莘野

字叔耕歸安人博學強記善屬文洪武初由明
經為本縣儒學訓導陞真定府棗強縣知縣民

歸其化稱為賢令有環州集子霽字原朗
應賢良方正仕刑部照磨孫皓然任教授

莘九經

江西人嘉靖中
任安吉州學正

倫 望出京兆冷倫氏之後以名為氏見風俗通今嶺南多此姓

唐 倫玄慶 京兆人監察御史

宋 倫次陸 字伯疇寶慶進士南海人

明 倫文叙 南海人弘治己未會元進士第一子以訓正德丁丑會元進士第二以諒解元弘治進士以誼正德進士俱官翰林世稱魁岡倫氏號父子兄弟進士之家而別族在番禺順德者亦世

科第

倫文 順德人嘉靖解元癸丑進士

輪

周輪扁

齊人桓公讀書于堂上輪扁斲輪于堂下上問公曰敢問公所讀者何言乎公曰聖人之言也

曰聖人在乎曰死矣然則君之所讀者古人之糟粕矣以臣斲輪之事觀之徐則甘而不固疾則苦而不入不徐不疾得之于手而應之於心口不能言有數存焉於其間臣不能以喻臣之子臣之子亦不能受之於臣是以行年七十而老斲輪古之人與其不可傳者死矣然則君之所讀者古人之糟粕已夫

綸

三綸直

綸魚

俱魏臣

銀

宋

銀朮

相州兵馬

明

銀綬

高陵人永樂丙子舉人

銀瑤

鬱林人宣德中高昌縣丞

銀嵩

故城人成化舉人任知州

銀鏡

山西太原人由進士正德初知鷄澤縣節財費減賦役廣儲蓄流民復業盜賊屏息再歲民力

于農桑訟獄以平豪猾自戢而黌校間彬彬然興禮讓矣三年政成食足兵繕城郭以完適薊

寇至與民共守賊望風遠遁民賴以安及報績擢戶部主事以去

銀金

羅氏人嘉靖丙午崇德縣丞

神

瑯琊神農氏之後姓纂云今瑯琊有神氏

漢

神曜

騎都尉

神通

中郎將

宋

神潛

韶州人元符進士迪功郎

神應龍

韶州人開寶進士

明

神英

陝西人涇陽伯

神德喜

乳源人永樂舉人

神受

博羅人宣德
舉人任知縣

神志

曲江人正德中
任寧都縣丞

仁

見姓苑彭城

漢

仁同成

彭城人

伸

宋

伸意

莆田人政
和進士

因

遂人之四族

明

因禮

曲沃人景
泰舉人

因絅

曲沃人成化舉人

因於夏

絳州人萬厯丙子舉人

新晉大夫新穉稚子之後

周

新稚狗

晉大夫伐翟

新垣衍

梁客垣衍欲共帝秦魯仲連責而說之衍起拜謝曰吾今乃知先生天下之士

漢

新清

新臣

秦豐軍師

明

新度

閩縣人洪熙中南城縣教諭

麟 宋桓公生子麟故曰麟氏

周 麟 曜 宋司徒

麟 朱 宋大夫

臣 見通志

漢 臣 綜 安東將軍

臣 安 漢

唐 臣 悅 撰隋平陳紀

淳

宋

淳坤

遂寧人端平進士

本朝

淳英

合州人景泰舉人

淳忠厚

弘治中合州舉人任成安教諭

春

楚相春申君之後

明

春生物

垣曲人洪武中任遷安縣丞

春仲和

武昌人宣德中任金谿縣丞

賓

梁國

周

賓須無

齊大夫

賓起

王子朝傳

賓滑

周大夫

賓孟

賓媚人

古今人表

明

賓思貴

長沙人洪武舉人廣西恭城縣教諭

賓禮慶

德州人永樂中任永州府推官公平寬大訟者至庭下以禮義諭之使自悔悟人多感化

獄無繫囚

足稱循良

賓伯才

蒼梧人宣德舉人

賓繼本

蒼梧人正統中廣東提舉

賓繼學

蒼梧人正統舉人

頻見韻會

漢

頻暢

酒泉太守見風俗通

閤

見姓苑

漢

閤仁

廣平人

明

閤敬

登州人洪武中任安吉州知州

閤全

平涼人宣德舉人

湖廣麻城

有閻氏

彬

見姓苑

唐

彬霽

撰秘苑狀
啓四卷

針

明

針惠

濟寧人隆慶
庚午舉人

寅

見姓苑

宋

寅午辰

延祐初嘉
興教授

人

見姓苑

明人傑

開州人廣東瓊州衛左所百戶

緡

夏時諸侯子孫以國為氏姓苑有緡氏

明緡桓

固始人正統間廣東都司指揮

塵

明塵洪

鄆縣人正德間沙河縣學教諭

塵昂霄

山東莘縣人嘉靖中任贛州府經歷

均

州名

困

見姓苑

遵
見姓苑

馴
見姓苑

純
見姓苑

勻
見姓苑

濱
千乘見姓苑

幽
公劉自邠出徙見姓苑

旻
見姓苑

民
見姓苑

閩 越王無彊為楚所滅子孫散居閩地因氏焉

新 夷姓新犁之國

珍 州名見姓苑

身 見姓苑漢有身相

周 音周見直音

禪 見姓苑

郈 音辰見直音

寘 見直音

鄰 見姓苑

軫 音軫 見直音

炅 音殷 左傳遂人四族有炅氏 亦作因

潏 見姓苑

溱 州名 見姓苑

𡵓 見姓苑

邠 周太王居邠 因氏焉

萬姓統譜卷十九